

قلوب عامرة

رواية

مهندس / عبدالله عبد المنعم



بطاقة الكتاب

قلوب عامرة
عبدالله عبدالمنعم
رواية

رقم الإيداع : ٢٠٢١ / ٢١٠٧٢
الترقيم الدولي
٩٧٨ - ٩٧٧ - ٩٠ - ٩٦٧ -
الطبعة الأولى
عدد الصفحات: ٩٦
تاريخ الإصدار: سبتمبر ٢٠٢١

الإغراض الفني والراغمة للطبع والتوزيع
دار وادي عابر للطباعة والتوزيع

رئيس مجلس الإدارة
جابر الزهيري

جميع حقوق الطبع والنشر
محفوظة للمؤلف، ولا يحق لأى دار
نشر طبع ونشر وتوزيع الكتاب إلا
بموافقة كتابية من الكاتب والناشر





دار وادي عابر

للطباعة والنشر والتوزيع
بيت الإبداع.. وموطن العباءة

 wadiabkr.wixsite.com/wadiabkr
 wadiabkar@gmail.com
 www.facebook.com/wadiabkar

Watch us on
 www.youtube.com/wadiabkr/

 ٠١٥٥٥٥١٧٤٢٦
 ٠١١٤١٧٢٨٦٢٥
 ٠١٢٢١٤٨١٨٥٦
 ٠٠٨٦٢١٦٤٤٢٨



إهداء

إلى قلوب تعرف الله وتخشاه
قلوب عاملة بحب الخير للجميع دون تمييز
قلوب تزلزلها دمعة مظلوم
وتسعدها بسمة طفل
قلوب لا تعرف الخراب ولا تحب الدمار
أهديهم هذا العمل ك قطرة في بحر حب الخير لله دون سواه

مهند عبد الله عبد السنع

٠١٢٢٣٣١١٧٥٢

قلوب عامرة

عبد الله عبد النعم
رواية



عبد الله عبد النعم

(١)

أسدل الليل أستاره ولف الكون بعباته السوداء وخيم السكون على الطريق فلا يسمع أي صوت يقطع هذا الصمت إلا صوت راديو سيارة كمال وهو يستمع إلى أغنية (أقبل الليل) لتكتمل لوحة الليل عنده وينظر كمال إلى الطريق الخالي من السيارات والبشر ليكتشف أنه قد انحرف إلى الطريق الغربي المؤدي إلى المنصورة وهو الطريق الأطول مسافة والأكثر وحشة والكل يجتنبه لطوله ووحشته ولا يعرف كمال كيف انحرف إليه ليكتشف أن السائق الأوتوماتيك الموجود داخل كل منا هو من قاده إلى هذا الطريق فهو يحب هذا الطريق لما يحمله من ذكريات الصبا والشباب فعلى جانب الطريق ترعة كبيرة تروي كل أراضي القرى التي تمر بها فهي تمر بقريتنا الجميلة.

قريتنا نام على ذراع الترعة وفيها قضينا طفولتنا وشبابنا فكل شوارعها وحوازيها وأزقتها تحمل لنا الذكريات فلو تتكلم لفالت كم سرنا ولعبنا بها فالشوارع تحفظ مانشات الكرة الشراب ولعبة الاستعمامية؟ وهناك شارع لا ننساه ولا ينسانا شارع فرن البسكويت الذي كان يعمل في شهر رمضان فقط وكنا ننتظر شهر رمضان بشوق أكثر من العيد لنذهب للفرن ونجلس على ماكينة صنع البسكويت ونلتف يدها ونقطع المنتج ونرصه في الصاج كنا نتمتع برمضان أكثر من جيل أولادنا الذين ذهبوا للبسكويت الجاهز والمغلف ولم يعرفوا أي شيء عن هذه المتعة.

لذلك كان كمال ورفاقه يحبون الصيف وينتظرونه لما به من جلسات سمر واجتماع وهو و كانوا لا يحبون الشتاء لأنهم لا يتجمعون فيه فالهواء والأمطار والصقيع يجعل كل منهم يلزم داره ويكتفون بالاتفاق حول الراكيحة مع الأهل وإن التقوا أو تقابلوا يكون ذلك من أجل الاتفاق حول الراكيحة والتمتع بشاي الراكيحة الذي لا يساوي طعمه أو نكهته أي شيء آخر.

كل من خرج من القرية بحكم عمله مازال يحتفظ ببيت أبيه ويدهب إليه كل أسبوع وكأنه يذهب ليشحن قلبه من حب لا ينتهي من رحيم الماضي والحنين إليه فهنا كان يجلس والدي وهنا كانت تجلس أمي وهنا كانت تطهو الطعام على الكانون الذي ذهبت أيامه ورائحة طهوه حقاً كان زمن جميل بقلوب من رحلوا ولعل بعض لقاءات الأصدقاء تعطي القلب جرعة من الحنين وذكريات الماضي الجميل.

كان على كتف الترعة شجرة الجميز العتيقة التي كم أكلنا من ثمارها وعلى الكتف الآخر شجر التوت الذي كنا نتسلقها وننفذها بالطوب لنأكل من ثمار التوت الملؤن كم كانت جميلة تلك الأيام وأمام شجر التوت داخل الأرض الزراعية كانت هناك طمبة مياه تأتي بالماء العذب الذي كان يشبه الحليب في طعمه من باطن الأرض وترسله عبر جدول صغير مبني من الطوب ومساوي بالمونة ما يعرف بالقططوفة جدول الماء الصغير كم سمرنا بجواره وكم سمرنا بجوار الجمiza والتوتة من الغروب إلى أن يحل النوم نتسامر كل فيما قرأه من كتب فقد شكل وجданنا وثقافتنا كتاب كانوا عنوان مصر في العالم كله نجيب محفوظ أديب نobel وتوفيق الحكيم وإحسان

عبدالقدس وعبدالرحمن الشرقاوي ولطفي السيد وثروت أباظة
ويوسف إدريس و و ..

تمتعنا حقاً أما الجيل الحالي فلا يقرأ فقط كل حياته على الفيس
بوك لذلك كان لدينا ما نتحدث فيه ونناقشه ونتبادل أحلام المستقبل
وبعد أن سار بنا الزمان صرنا نتذكر ما كان.

يبتسم كمال من هذا الشريط الجميل الذي يدور في رأسه و يجعله
في سعادة غامرة وأحس بسعادة لأنها أخطأ و سار في طريقه الحبيب.
كل ذلك كان يدور بعقل كمال وهو يقود سيارته على طريق
الذكريات الذي قاده إليه عقله الباطن ووضعه على الطريق دون أن
يصدر كمال له الأمر بذلك وكأن العقل الباطن يعيش أيضاً ذكرياته.

لقد تخرجت الشلة كلها وكل منهم أصبح له مجاله العملي كما
كان يحلم وأصبح كمال تاجراً كبيراً لكل أنواع الأقمشة من ملابس
جاهزة إلى خامات وقد نفعته خبرات شهادته العلمية فهو حاصل على
بكالوريس التجارة وأصبح يلتقي الشلة في المناسبات أو تجمعهم
صلاة الجمعة أو تجمعه بهم الذكريات فقط كلما سار على الطريق

(٢)

يرن الموبيل ليقطع صوت أم كلثوم فهو متصل على الراديو فتتوقف
الأغنية ويحل صوت الرنين مكانها فيرد كمال على التليفون

- يا عم رمزي ده وقته؟.. يا غلس... إنت مش عارف إن التليفون متوصل مع الراديو (يضحك)
- وعليكم السلام يا سيدى... هو ده سلامك يا أبو أحمد؟... يعني بلاش اطمئن عليك؟.. إيه اللي حصل يعني؟.. كنت بتسمع إيه كده وتليفوني فصله وبوظ الجو؟
- أم كلثوم.. وإيه .. أقبل الليل
- (ضاحكا) آه.. ده بس تأثير الطريق مع دخول الليل.. بتعيش الجو يا حاج..
- الهدوء شيء جميل.. بس هو فين؟
- انت بقىت رومانسي ولا إيه؟ كان لازم أم أحمد تكون معاك.
- يا راجل دا انت لسه بتتكلم عن الرومانسية.. اتقى الله يا رمزي... هو فيه زوجة رمانسية؟.. قصدك نكديه
- (ضاحكا) إيه ده يا كمال؟ ده أنا بقول إنك عايش حياة زوجية رائعة.. السست أم أحمد طيبة.. وقلبها أبيض زيـك...
- آه.. عشان بنت خالتك بـس.. وكمان عقلها أبيض زيـ معظم الستات

ضحكـات من الطرفـين عـالية

- انت فين دلوـت؟
- (ضاحـكا) فيـ العربية

- لا صحيح.. وصلت فين؟
- يعني كمان حوالي ساعة أوصل المنصورة.. الطريق الغربي دا يا رمزي فاضي خالص.. تحس كان الناس بطلت تسافر عليه... كل ربع ساعة لما تشوف عربية
- (في فزع) إيه اللي مشاك من الطريق المتطرف ده..؟ ليه يا عم كمال.. الطريق الزراعي أفضل بكثير.. أمان يا عم ريك يسترها..
- (معاتباً) إحنا مش اتفقنا إنك تسافر زراعي.. حصل إيه؟
- تصدق بالله.. أنا ما اعرفش مشيت إزاي.. أنا بيص لاقيت نفسي على الطريق دا.. وكأن فيه سواق اوتوماتك داخلي هو اللي سائق
- لأنك واحد عليه.. هو طريق سريع بس مقطوع.. خلي بالك

ظل الحوار مستمراً ليقطع المسافة والوحدة لكمال الذي كان يتنفس في إطالة الحوار حتى لا يعود وحيداً على الطريق.

(٣)

على نفس الطريق وأمام كمال بحوالي كيلومتر كانت هناك سيارة تقل رجل وزوجته وطفلهما في طريقهما من القاهرة إلى الإسكندرية وقد دخل هذا الطريق بالخطأ أيضاً وهو دكتور عزت وزوجته دكتورة مريم وهما في العقد الثالث وطفلها يوسف عمره ست سنوات وتمكن القلق من عزت وزوجته من هذا الطريق الموحش والمقطوع ولا يعرف عزت كيف دخل هذا الطريق ولا كيف سيخرج منه وقطع تفكير عزت في كيفية الخروج من هذا الطريق صوت يوسف ابنه.

يوسف : (بصوت عالي) ماما.. ماما.. جعان
مريم : حاضر.. امسك يا عزت قرازة الميه دي.

يأخذ عزت زجاجة الماء من زوجته حتى تتمكن من إخراج السندوتش لابنها من الشنطة ويناول عزت زجاجة الماء لابنه بينما مريم تعطي ابنها السندوتش وعزت يعطيه زجاجة الماء

عزت : خد يا معلم
يوسف : هات يا معلم..
مريم : (في استغراب) يا معلم.. إيه يا معلم دى..؟ إيه يا عزت بتقول للواد يا معلم
عزت : (ضاحكا) قشطة يابا
يوسف : قشطة يا معلم
مريم : انت بتتعلم الواد إيه؟ لغة شوارع.. يا لهوى

عزت : (ضاحكا) دي لغة العصر.. يوسف هما بيقولوا على البنت
الحلوة إيه يا معلم

يوسف : بيقولوا مُزة يا معلم

عزت : (ضاحكا) مية مية

مريم : (صارخة) مُزة... انت بتعلمته إيه؟؟؟

عزت : لغات العصر.. لغات حية.. صح يا معلم

يوسف : المُزة بتعتك زعلانة ليه يا باشا؟

يوضح عزت ومريم بصوت عالي من رد يوسف وتعقب مريم على
رد يوسف

مريم : يا مصيبي.. المُزة بتعتك.. طيب والله هوريك.. يا عزت
الطريق ده ماله فاضى كده ده هووو خالص... انت مشيت فيه قبل
كده

عزت: آه طبعا.. بس الظاهر الناس بطلت تسافر وكل واحد قاعد في
بيته

مريم : بجد أنا حاسة بخوف.. وقلبي مقبض من الطريق المقطوع
ده..

عزت : فيه موتسيكل جاي من بعيد اهه.. يعني فيه ونس.. نوره
ضارب في المراية اهه.. هيجمي عيني بس ماشى علشان الونس يا
ست

مريم : الواد نام والسندوتش في ايده.. يا حبيبي ..

يقرب صوت الدراجة البخارية وعليه رجلان ملثمان وفي يد الراكب
الخلفي مسدس وينحرف ناحية سيارة عزت بقوة وغضنم ويرفع راكب

الموتوسيكل مسدسه تجاه عزت ويأمره بالتوقف وإلا قتلها فتصرخ
مريم فرعا

مريم : (صارخة) يا نهار اسود.. الحق يا عزت.
راكب الموتوسيكل : (في لهجة تهديد لعزت) اقف.. بقولك اقف.. أنا
مش بهزر.. هاضرب
سائق الموتوسيكل : اضرب.. ما فيش وقت..

يطلق الراكب الخلفي للموتوسيكل طلقة نارية في الهواء تهديداً لعزت
ويهدده بصوت مرتفع

اللص : الطلقة الثانية في دماغك اشتري نفسك
عزت : عايزيين إيه؟
اللص : عايزيين سلامتك.. عايزيين العربية
عزت : وما المكش دعوه بينا؟
اللص : هنهب بيكم إيه؟ هافتلك لو ما وقفتش

يقف عزت بالسيارة ويأمرهم اللص بالنزول فينزل عزت فيضربه
اللص بطبع المسدس على رأسه فيسقط مغشيا عليه فاقداً للوعي
تماماً فيركب اللص مكان عزت للإستيلاء على السيارة وتنزل مريم
فتقع عين اللص عليها ويرى جمالها فيطمع فيها فیأمرها برکوب
السيارة مرة أخرى وهو مذهول من جمالها

اللص : معقوله الجمال دا؟.. دا انتي ولا بتوع السيماء.. اركبي يا
حلوة تانى.. دا احنا ليلتنا عن

مريم : (صارخة) يا مصيبي.. يا مصيبي.. عزت.. عزت.. فوق..
شرفك يا عزت هينهشسوه

ال طفل : (في صراغ مستمر) بابا.. بابا.

اللص : اركبى.. ولا اضرب ابنك راحر.. ودا هيموت فيها

مريم : لا.. لا.. ابني لا.. هاركب.. يا رب.. يا رب

سانق الموتوسيكل : بسرعة.. فيه عربية جايـه علينا.. بسرعة

اركب العربية ودوس بنزين وأنا قدامك بالموتوسيكل

ينظر اللص إلى مريم وهي تصرخ وتولول طمعاً أن يسمعها أحد

اللص : ما تخرسـى يا بت.. واكتمى الواد دا ولا اكتمه أنا

يقرب نور السيارة القادمة خلفهم ونورها ينير المكان فيتحرك اللص
بالسيارة خلف الموتوسيكل الذي يقوده شريكه محاولان الفرار قبل
أن تصـل السيارة القادمة خلفـهم وهي سيـارة كـمال.

(٤)

كمال ورمزي مازالا في حوارهما من أجل قتل الطريق ووحشته
ويرى كمال الموتوسيكل واللصين اللذين يستقلانه وهم يهاجمان
السيارة لسرقتها فيقطع كمال الحوار

كمال : استنى يا رمزي .. فيه حاجة غريبة
رمزي : فيه إيه؟.. طمنى..

كمال : ناس بتثبت عربية.. وصراخ وهيصة.. أنا قربت منهم.. دا
العربية هتتحرك.. واحد مرمي على الأرض.. صوت صراخ واحدة
وابنها

رمزي : (في حدة) خليك في حالك.. دول بيبقوا مسلحين

كمال : وأنا مسلح بمساعدة ربنا.. والمسدس في التابلوه اهه
رمزي : كمال.. كمال.. رحت فين؟

كمال : فيه عرض هينتهك يا رمزي.. تفكير أسيبه؟.. تخيل إنها
عرضك.. العربية هتتحرك.. وانا وصلت عندهم

يفتح كمال التابلوه ويأخذ المسدس ويزيد السرعة إلى أن يلحق
بالمتوسيكل والسيارة، بينما اللص يركب سيارة عزت ليهرب بها
ومعه زوجة عزت وطفله وعزت ملقى على الأرض مغشيا عليه.

(٥)

يلحق بهم كمال ويهدهم دون خوف أو وجل وبرجولة وشجاعة
منقطعة النظير ويهدهم أنه سيضربهم إن لم يتوقفوا لكنهما لا
يتوقفان فيطلق رصاصة في الهواء ولكن دون جدوى فيطلق
رصاصة في إطار السيارة فتفق وينزل منها اللص شاهرا مسدسه
و قبل أن يلتفت يناله كمال رصاصة في يده التي تمسك المسدس
فيسقط المسدس على الأرض

سائق الموتسيكل : (صديقه) اجرى.. اركب بسرعة الموتسيكل
ورايا انت مصاب.. اركب ما فيش وقت
كمال : هديكم فرصة تغوروا
سائق الموتسيكل : خلاص ماشين

يجرى اللص إلى صديقه الذي يستقل الموتسيكل ويلوذان بالفرار
ويختفيان في ظلام الشارع الموحش ويده كمال إلى السيارة ويفتح
بابها وتخرج مريم تجاه كمال وهي منهارة ولا تصدق ما يحدث لهم

مريم : الحمد لله.. الحمد لله.. بركاتك يا عدرا.. بركاتك يا عدرا..
كمال : انتي كويسة؟..
مريم : كويسة دى كلمة بسيطة.. أنا اتولدت من جديد على إيديك..
انت ملاك ربنا بعثهلينا

تدخل مريم نوبة بكاء هستيري وتقرب من كمال وتنزل على ركبتيها
لتحاول تقبيل قدم كمال وهي تبكي من شدة تأثرها بإنقاذه لها فيوتفقها
كمال بسرعة رافضا تقبيلها قدمه

كمال : ليه كده إحنا أخوات وانتي زي اختي.. ابنك فين?
مريم : ابني معايا اهه.. بس في حالة إغماء.. هافوقه حالا البارفان
معايا اهه في الشنطة
مريم : (تتكلم نفسها) ده حلم فظيع.. أنا في كابوس.. معقوله اللي
إحنا فيه؟. دا لو حد حكى لي اللي حصل دا مش هصدقه.. الحمد الله
(بصوت عالي) يوسف.. يوسف..

ترش مريم البارفان على وجه يوسف فيفتح عينيه باكيا

يوسف : (باكيًا) ماما.. ماما.. فين بابا
مريم : بره.. تعالى نفوقه.. عزت اتبهدل.. ربنا يسترها..
يوسف : طيب يلا نروح لبابا
مريم : هو عزت فين؟.. أنا مش شايقة حاجة.. أنا حاسة الدنيا لسه
بتنا في

يتجه كمال إلى سيارته ويوجه نورها لموقع الحادث ليرى عزت
ويضيء المكان ليستطيع تركيب استبن عربة عزت بعد الرصاصات
التي أطلقها عليه ويذهب إلى عزت الملقي على الأرض وما زال في
غيبوبته وترش مريم البارفان على وجهه لفاقتنه

مريم : عزت.. عزت.. فوق.. فوق

كمال : ادعكي بين عينيه

مريم : ما تفلقش.. أنا طبيبة..

كمال : طيب بسرعة.. ممكن يرجعوا تانى بناس تانية.. هم دلوقتي

لهم تار عندي

يتجلو كمال في المكان فيرى مسدس اللص الذي سقط منه على الأرض بعد أن أصابه كمال بطلق ناري في يده فيلتفت كمال المسدس ويذهب إلى مريم وهي تسعف زوجها وقتها يفيق عزت ويضع يده على مكان الضربة التي أخذها على رأسه وينظر لزوجته وإلى كمال ويسألهـا

عزت : إيه اللي حصل؟

كمال : حمدا الله على السلامة يا بطل

عزت : تعالى يا يوسف.. تعالى في حضنى.. الحمد لله.. هما راحوا فين؟.. وحضرتك كدا شكلك اللي خلصتنا..

كمال : على ما تحكي له أغير العجلة

عزت : خلاص يا مريم نحكيبعدين.. دلوقت نغير العجلة

كمال : أنا أغيرها.. حاول انت تتفوق.. اغسل وشك بشوية ميه انت هتسوق العربية

عزت : أنا معاك.. الميه في الشنطة جنب الاستbin

يفتح عزت الشنطة ويخرج الاستbin والكوريك وزجاجة مياه

كمال : اسمي كمال محمد.. تاجر وأدى الكارت بتاعي

عزت: وأنا عزت

يتلعثم عزت ولا يكمل اسمه وان يقول عزت جرجس فيكتفي باسمه فقط عزت.

كمال : (ضاحكا) انت فاكر انى هزر عل انك مسيحي؟ إحنا إخوات...
عزت : اسمى عزت جرجس.. بس عرفت إزاي انى مسيحي.. أنا
مافيش صليب على إيدي .. ولا إيد مريم.. ولا يوسف.. مريم قالت
لك؟

كمال : أبدا.. بس وهي بتشكر ربنا عرفت
عزت : ده الكارت بتاعي وعنوانى..
كمال : انت دكتور تخدير؟.. يعني بتاع المزاج كله.. بس بتاع تخدير
وتدوخ بسرعة كدا

عزت : (ضاحكا) أصل الجرعة كبيرة شوية
كمال : انت عندك مستشفى؟ كوييس.. مستشفى مريم الاقتصادي.
عزت : ده عباره عن مستوصف دورين في عمارة.. الكشف فيها
بعشرة جنيه بس
كمال : شفت بقى ربنا بعنتي ليه.. لأنك بتساعد عباده.. علشان كده
ربنا ساعدك
عزت : تعرف إنني أنا ومراتي.. إحنا المسيحيين اللي في المستشفى
بس.. والباقي دكاترة وعمال وممرضين مسلمين..
كمال : انت راجل جميل.. خد المسدس ده معاك
عزت : مسدس.. معقول..
كمال : بتعرف تستخدمه؟..
عزت : أنا كنت في الجيش.. عيب عليك.. وكنت ضابط احتياط.. بس
ده مسدسك

كمال : لا.. ده المدس اللي انت انضرت بييه.. شفت يا عم اهو
المدس نفسه جالك في ايديك اهه.. شفت كرم ربنا
عزت : (ضاحكا) انت كمان خدت المدس منهم.. دا انت برسن..
انت تاجر ايه؟

كمال : مكتوب عندك منسوجات وغزوـل.. يعني الهدوم اللي انت
لا بـسها شغلنا

مريم : انت سترتنى سترة ربنا يجازيك أجرها ويسترك في الدنيا والآخرة

کمال : طریقہ فین پا عزت؟

عزت : اسکندریہ

كمال : و ايه اللي جايك من الطريق ده؟

عزت : مش عارف

كمال : تصدق بالله .. أنا مش عارف ايه اللي جابني من هنا.. دي
تداريب الله

مریم : ربنا بعتک تنقذنا لأنہ کریم

كمال : طریقك لسه طویل وما فیش استبن معاك .. وكاوتش عربیتك نفس مقاس عربیتي.. خد الاستبن بتاعي وأنا اخد الاستبن بتاعك وأصلحه بكرة

عزت : ليه؟.. كفاية كده قوى.. أنا أصلح الاستين

كمال : أصلا اللي هايشوف الكاوتش هايعرف إن ده طلقة رصاص..
وحاجة من الاتنين.. يا إما يستفك.. أو يبلغ البوليس.. دى طلقة
رصاصة يعني، مطاردة

عزم : أول مرة أقابل ملاك في صورة إنسان

كمال : الحكاية بسيطة قوي.. يلا مافيش وقت

مريم : انت الأخ اللي لم تلده أمي.. ربنا يسترك زي ما سترتني
وينفذك من أي أذى زي ما أنفذتني انت رفعت راسي
كمال : يا دكتورة إحنا أخوات.. يللا اركبوا
عزت : إيدك يا كمال سلم عليا.

يلتقط عزت يد كمال ويحاول تقبيلها فينترعها كمال منه ويتعانقان في
حب ودموع عزت تملأ عينيه

كمال : لف بالعربية لازم نغير الطريق.. هنرجع تاتي.. ممكن حد
يستنى قدام.. بعد الطلقة اللي خدها والعملية اللي باظت.. ده تار..
بعد حوالي اتنين كيلو ندخل يمين.. وبعد اتنين كيلو كمان ندخل
المنصورة ومنه على الطريق الزراعي

يستقل كل منهم سيارته وينطلقان خلف بعضهما

(٦)

يعود كمال إلى سيارته وهو يطير من الفرح بعد أن وفقة الله في إنقاذ امرأة من مخالب ذئاب بشريّة خسيسة وتحطيم أسرة كاملة باغتصاب الزوجة المسكينة الضعيفة وأفشل مخططهم في سرقة السيارة وجد كمال التليفون يسجل عدداً كبيراً كبيراً من الاتصالات من صديقه رمزي فرد عليه

كمال : ايوا يا رمزي

رمزي : ايوا اييه وزفت ايه يا كمال؟.. طمنى يا عم

كمال : أنا لسه راكب العربية من ثانية.. دا انت كأنك معايا

رمزي : لا أنا ما بطلتش اتصال.. حصل ايه؟.. انت كوييس

كمال : أنا كوييس.. كله تمام

رمزي : يعني سليم؟.. طمنى

كمال : صاغ سليم كله تمام

رمزي : احكي لى ايه اللي حصل

بدأ كمال يروي ما حدث لرمزي الذي رفض أن يتظر حتى وصول كمال إليه ويحكى له ما حدث وهو يتبع سيارة عزت التي أمامه حتى لا يخطئ الطريق ويتعامل مع عزت بأنوار السيارة والكاركس

(٧)

مريم تدخل في بكاء شديد دون توقف وكلما تخيلت أن ينتهك عرضها
يزداد انتسابها وعزت ينظر إليها ودموعه تسيل على خديه غير
صدق ما حدث فكيف تم الاعتداء عليه وكادوا أن ينهشوا عرضه
فيتم بصوت يملأ الدموع نشكر الله

عزت : خلاص يا حبيبتي ربنا سترها..

مريم : كانوا هينهشوا شرفي.. الكلاب.. أنا كنت خلاص قررت
الانتحار.. إزاي أعيش بعد كده؟.. وإزاي أحط وشي في وشك؟..
إزاي؟.. بس كان صعبان عليه يوسف

عزت: الحمد لله يا مريم ربنا سترها.. أنا اللي كنت هاخط وشي في
وشك إزاي وأنا ما قدرتش أحميكي.. ربنا سترها علينا وكان فضله
كبير

مريم : نشكر ربنا فضله لا وصف له

عزت : احلى لي كمال عمل إيه؟

مريم : ده ماهموش نفسه إنه كان ممكن يموت.. لأنه جاي يقف في
طريقهم.. يبقى الطبيعي يموته تخيل في الزمن ده.. اللي الناس
بتثبت وتتسرب بالإكراه.. حد يقف كده علشان ناس تانية؟.. ومن
دين غير دينه؟ (تبكي بحرقة)

عزت : كلنا أخوات.. هو انتي حاسة بأي فرق في المستشفى بين
مسلم ومسيحي؟.. بتفرقى بين المرضى؟..

مريم : لا.. لا والله.. لا

عزت : ده مرض في عقول ناس عمية القلب.. والغرب بيقويها علشان الفتنة.. هو مين اللي لحق أم على جارتنا لما البوتجاز ضرب في وشها؟.. مش انتي وأنا؟..

مريم : عندك حق.. ربنا يجازيه... اللي عمله كمال دين في رقبي.. ده كان عارف إنه ممكן يموت وببساطة كمان لأنّه وقف أمام بطجية.. ده شال روحه على إيديه

عزت : احكي بقى وكفاية دموع

يرن تليفون عزت فينظر عزت فيجد رقم عمه خلة أبو مريم فينزعج فمادا يقول له لأنّه يعرف أن عمه لو علم بما حدث سيصل إلى الإسكندرية قبلهم بالطائرة من الصعيد

عزت : ده عمى.. أبيوكى يا مريم.. كفاية عيّاط هاتخضيه وتلاقيه سابقنا بالطيران

مريم تدخل في نوبة من البكاء ما إن عرفت أن أباها هو المتصل

عزت : مافيش فايدة.. الو.. أهلا يا عمى خلة..

خلة : مريم بتعيط ليه؟ إنت مزعّلها؟ اديني مريم

عزت: حاضر هاديك مريم..

(صمت) معقول أنا هزرّلها؟.. اهي معاك اهه

مريم : (ببكاء شديد) الو.. بابا أنا اخطفت وربنا نجاني

عزت : كمال بيشاور يا مريم.. سلمى عليه خلاص وصلنا المنصورة
الحمد لله

(بصوت مرتفع): سلام يا كمال..

يقف عزت بالسيارة وينزل ليصافح كمال هذا الرجل الشهم الذي
أنقذه وأنقذ عرضه ورفع رأسه وزلت مريم لتصافح كمال فيتناصف
الجميع ويتعانق عزت وكمال وعلى التليفون العم خلة ينتظر مريم

كمال : خلى بالك من نفسك وربنا معاكم الطريق ده ونس وما فيش
منه مشكلة

عزت : مهما شكرتك مش كفاية.. بالنسبة للعجلة قبل ما تؤديها
تتصلح شيل الكاوتش المصاب بالرصاص بنفسك ماتخليش بتاع
الكاوتش يشيله.. أنا خايف البلطجية يلفوا على بتوع الكاوتش
ويسألوا عن الكاوتش المضروب بالرصاص

كمال : (يضحك) حاضر.. أنا كنت ها عمل كده

مريم : سلام يا أخي.. يا أعز من أخي
يتحرك الجميع كل في اتجاهه وتكمل مريم مكالمه والدها
مريم : ده يا بابا اللي ربنا بعته يخلصني من الكلاب..

وتحكي مريم لوالدها الحكاية كلها وعزت دموع الفرحة على خديه

(٨)

وصل كمال إلى شقته أحس أنه وصل إلى ببر الأمان ولا يبالغ إن قال أنه ولد من جديد فكان بينه وبين الموت ضغطة زناد فقط لكن الله مع العبد ما دام العبد في عون أخيه وما إن فتح الباب ودخل شقته حتى استقبله ابنه أحمد وعمره عشرة أعوام وهو ابنه الوحيد وجاء بعد سنوات من الدعاء والصبر استقبله أحمد فاردا ذراعيه وداخلا في حضن أبيه صانحا

- بابا.. بابا
أخذ كمال في حضنه ولسان حاله يقول كنت لن أراك مرة ثانية ويأتيه من الداخل صوت زوجته كريمة والتي لا تحب إلا أن تكون بأم أحمد أكثر من اسمها كريمة

- حمد الله على السلامة.. اتاخرت ليه؟
- مافيش.. انتو أخباركم إيه؟

تخرج أم أحمد مسرعة تفاجأ بشكل كمال المتعب وملابسه التي يعلوها التراب وكأنه خارج من معركة حرب شوارع فتقرب من زوجها وتقبله وقد تغيرت ملامحها جزعا عليه

- فيه إيه؟.. مال هدومك مبهلة كده؟.. وإيه التراب ده كله؟
- دى حكاية كبيرة.. أحكيها وأنا باكل.. آخذ دش وأنزل التراب دا الأول وانتى جهزى العشا واحكى لك وأنا باكل

يدخل كمال الحمام وتحضر له زوجته ملابسه وتذهب لتحضير العشاء وتجلس تنتظره هي وأحمد وعلى وجههما علامات القلق يجلس كمال إلى السفرة وما إن يجلس على الكرسي حتى يحس بشيء من الراحة بعد المعركة التي خاضها وانهكته نفسياً قبل أن تنهكه بدنيا ويبدأ في سرد القصة وما حدث والخطر الذي تعرض له وزوجته وابنه قد توقفا عن الأكل وعاشوا في القصة بكل حواسهما ورغم أن كمال معهم إلا أنهما يتملقاً الخوف عليه

- معمولة يا كمال تعرض نفسك للموت؟ كنت اتصل بالبولييس
- يكون الدنيا خربت.. دي الثانية تفرق
- خد رقم العربية واتصل والبولييس هيمسكه
- أنا تخيلت نفسي مكانهم.. تخيلت أن المست اللي بيخطفوها انتي والولد أحمد.. يعني ممكن يحصل لنا.. ماقدرتش انتظر
- ربنا يجازيك خير بس كان ممكن تروح فيها
- انتي ناسية أني كنت في الجيش في الصاعقة
- حمد الله على السلامة يا بطل
- انتوا مش هاتكلوا؟.. أخبار الشغل إيه؟
- آه .. على فكرة الشاذلي بعثت لاتحصل الشيك النهارده كمال : آه ميعاده كان من أسبوعين.. طيب والمهندس طارق الديب أخبار الشيك اللي عليه إيه؟ ميعاده من شهر.. والشيك الثاني ميعاده هل خلاص
- أم أحمد : رمزي اتصل عليه كتير بس ما رداش علي التليفون
- كمال : رمزي ماقاليش ليه؟
- أم أحمد : تلاقي رمزي ما رضيش يقلفك.. هو رمزي كلّك؟

كمال : كتير.. لأنه كان قلقان عليا ف الموضوع اللي قولتك عليه
فنسي موضوع المهندس طارق والشيك

أم أحمد : أنا يا كمال بخاف من شغل الشيكات.. الكاش أمن
كمال : هو حد لقي الكاش وقال لا؟.. وعلى رأى المثل إيه اللي جبرك
على الشيك قال السوق التعبان

أم أحمد : على فكرة في بنت يتيمة بتتجوز.. الحاج عبد الرحيمشيخ
الجامع جابها وأنا اديتها بوتجاز من المخزن اللي إنت عاملهم
للايتام.

كمال : برافو عليكي.. إن شاء الله في ميزان حسناتك

أم أحمد : حسنات إيه؟.. دي فلوسك انت

كمال : ما هو انتي هتاخدي زيبي لأننا أسرة واحدة

يمسّك كمال التليفون ويخرج كارت عزت ويتصل به للاطمئنان عليه

كمال : الو.. عزت.. انت فين دلوقتى؟ طمنى عليك

عزت : أنا دخلت الاسكندرية خلاص ودخلت على الكورنيش.. انت
عامل إيه؟

كمال : أنا تمام.. انت تمام؟

عزت : البركة فيك إني تمام

كمال : دى أفضال ربنا علينا.. وأم يوسف عاملة إيه؟

عزت : خد اهه عايزة تكلمك

مريم : أيوا يا كمال يا أخويها وبيا ساترني

كمال : حمدا لله على سلامتكم.. خدى أم أحمد هاتكلمك اهه عايزة
تطمن وتتعرف عليكي
يعطى التليفون لزوجته

كمال : أنا داخل أنام لأنني مش قادر... هاتي لي الشاي جوه

يدخل كمال غرفة النوم وزوجته تدخل المطبخ لعمل الشاي وفي يدها
التليفون تتحدث مع مريم وكأنها تعرفها من سنين وأحمد يفتح
التلفزيون ويجلس أمامه

(٩)

وصل كمال مكتبه ودخل إلى غرفته وتبعه حامد الساعي بقهوته المعتادة وكل فكره منصب على شيكات الشاذلي كيف يدبرها وهذا الرجل لا يعرف الظروف فقط.. هو فقط يعرف طريقة أخذ رفض على الشيكات ثم النيابة والمحاكم.

أخذ التليفون وراح يتصل بالمهندس طارق الذي اشتري البضاعة ليسدد ما عليه من شيكات قد حل موعدها منذ شهر لكن لا يوجد رد راح يكرر الاتصال دون فاندة.. أحس بقلق يسرى بداخله وأن الدنيا تضيق عليه.. ضغط على زر استدعاء السكرتيرة فدخلت وهي فتاة في العشرين تدعى أمال

- افندم كمال بيه
- هاتى ملف الحاج الشاذلى ومهندس طارق
- حاضر يا افندم
- فين أستاذ رمزي؟
- لسه ماجاش
- اتصلى عليه استعجلية
- حاضر

تخرج أمال فتجد رمزي في وجهها

- السلام عليكم
- اتاخرت ليه؟
- كمال بيه وصل؟

- من أكثر من ساعة وسأل عليك
 - أنا داخل اهه
 - يدخل رمزي مسرعا إلى غرفة كمال ويقابلة كمال بلهفة
 - السلام عليكم
 - إيه يا رمزي أتاخرت ليه؟
 - عديت على المخزن.. انت أخبارك إيه دلوقتي؟
 - انت ما قولتليش علي الشيكات امبارح ليه؟
 - انت كنت في معركة امبارح .. اقولك ايه بقى
 - طارق كده شيكاته كلها حل ميعادها.. باتصل بيه وتليفونه مفول
 - انا باتصل من يومين.. دلوقتي أروح له وأقابلة
 - انت عارف يا رمزي إنه واحد البضاعة اللي جايه من الشاذلى
كلها.. يعني مليون ونص
 - عارف والله والشيكات معاليا.. واحدنا علينا للشاذلى نفس المبلغ
 - الشيكات ميعادها فات والشاذلى يا رمزي ما يعرفش أبوه
 - عارف ربنا يسترها وأنا رايح فورا... بس هو راجل محترم وعمره
ما تأخر قبل كده
 - علشان كده أنا قلقان.. ده كان بيدفع قبل ميعاده.. أكيد فيه حاجة
 - ربنا يسترها وكمان عمره ما قفل التليفون.. يمكن مسافر
 - ده التفسير الوحيد لأنه راجل محترم وتاجر بجد
 - أنا ماشي.. سلام
 - طمني يا رمزي اتصل بي
 - حاضر حاضر
- يخرج رمزي ويمسك كمال بالدوسيهات لعله يجد مخرجا من تلك المشكلة.

(١٠)

يجلس عزت وزوجته مريم يشربان الشاي بعد تناول الإفطار
وبجوارهما ابنهما يوسف يلعب بقطاره الذي اشتراه له جده خلة ولا
يشغل بالهما إلا ما حدى وكيف أن الله حفظهما بمساعدة الرجل
الكريم الشهم كمال

يرن جرس الباب فينادى عزت على يوسف
عزت : افتح يا يوسف
يهروي يوسف إلى الباب وما أن يفتح حتى يصبح فرحا
يوسف : جدو جة.. إزيك يا جدو؟
خلة : إزيك يا روح جدو
عزت : أهلا يا عمى

يندفع خلة إلى الشقة وخلفه زوجته أم مريم وعيناه على ابنته فيهما
ألف سؤال ويقاد قلبه أن يقفز خارج صدره ليحتضن مريم ابنته وأول
فرحته

خلة : مريم بنتى إيه اللي حصل؟
تصرخ مريم فرحا : بابا.. ماما

وتسرع إلى والدتها وتقبل يده وترمى نفسها في حضن أمها وتترك
لدموعها العنان.. ينظر خلة لعزت في خوف من انهamar دموع مريم
فيرد عزت مسرعا

عزت : والله يا عم مريم صاغ سليم ما حصل حاجة
مريم : والله يا بابا أنا كويسة مافيش حاجة وشالك أبيض وأنا قلت
لck واحنا في العربية وبعد ما وصلنا.. تعبت نفسك ليه؟
خلة : إزاي يا مريم وهو أنا أصلا نمت ولا شوفت التوم
أم مريم : والله يا بتي إحنا قاعدين الليل نستنى نور الصبح لجل
نيجي

عزت : مرحبا بيكون يا عمى
مريم : أمى عاملة إيه وكيف؟
أم مريم : أمك من ساعة ما سمعت الحكاية هاتموت.. ما ردت روحي
إلا الحين بس

عزت : الفطور يا مريم تلاقتهم ما فطروش
خلة : ولا تعشينا كمان يا عزت.. من ساعة ما حكينتو الحكاية
السودة دي وأنا الغم راكبى حاسس إنكم مخبيين حاجة.. طلعت خدت
الطيارية

مريم : والله يا بابا أنا صاغ سليم والبركة في ربنا وكمال
عزت : الحكاية كانت زى الكابوس
خلة : يا بنتى أنا أبوكي.. صارحيني انتى كويسة؟
مريم : أنا زى الفل يا بابا.. ربنا كبير يا بابا وسترها معانا.. بعث لنا
ملائكة اسمه كمال خلصنى من إيدهم.. والله أنا كويسة اطمئن يا حبيبى
خلة : عايز أقابل كمال ده.. لازم أروح له.. لازم أشكراه بنفسي ده
اللى عمله فوق راسى

عزت : ده في المنصورة يا عمى
خلة : إن شاء الله يكون في آخر الدنيا
عزت : حاضر يا عمى .. حاضر
خلة : أطلبـه حدد معاد

عزت : حاضر نظر الأول

تدخل مريم مسرعة للمطبخ لتحضير الإفطار وتتبعها أمها لتساعدها وطمئن عليها.. ويخرجان بالفطور ليجهزا السفرة

مريم : يللا الفطور

يوسف : يللا يا جدو تعالى جنبى

خلة : حاضر يا حبيب جدو

يجلس الجميع وتجلس مريم بجوار أمها تتهامسان

(١١)

قلق كبير بدأ يتسلل إلى قلب كمال... هناك كارثة تدنو منه كيف يدفعها بعيدا عنه وراح يلوم نفسه لماذا باع الصفة كلها لتاجر واحد مهما كانت أمانته.. كان يجب عليه أن لا يضع البيض كله في سلة واحدة.. جاءه صوت السكرتيرة عبر تليفون المكتب الداخلي ليخرجه من هلاوس أفكاره التي تضغط فوق صدره

السكرتيرة أمال : الحاج شاذلي
كمال : أنا جاي استقبله

يذهب كمال مسرعا إلى باب غرفته ويفتحه ويستقبل ضيفه الهمام

كمال : اتفضل يا حاج.. أهلا بيتك
الشاذلي : السلام عليكم
كمال : عليكم السلام .. اتفضل يا حاج.. نورت المكان

يذهب به إلى انتريه الضيوف تاركا المكتب

كمال : اتفضل يا حاج استريح
الشاذلي : شكراً كمال بك

يدخل حامد الساعى مسرعا

كمال : قهوة الحاج بسرعة يا حامد

حامد : حاضر يا فندم

الشاذلى : مافيش داعى للتعب يا كمال بيه

كمال : إزاي؟ ما يجيش من بعد خيرك

الشاذلى : العفو العفو

كمال : أنا عارف إننا متاخرين في سداد الشيكات بس إنت عارف

التحصيل فيه مشكلة شوية وحركه البيع في البلد نايمة جبفين

الشاذلى : أنا عارف يا كمال بيه.. عارف كل اللي بتقوله علشان كده

أنا جاي أعرفك إن الشيكات اشتريت بيها بضاعة.. والله غصب عنى

قله السيولة بتطرنا

كمال : (يرد بالم) آآآآاه.... والشيكات مع مين يا حاج شاذلى؟

الشاذلى : تاجر كبير في اسكندرية كان عنده بيعه غزل كويسيه
والغزل اليوميin دول شغال حلو علشان مشكلة الدولار

كمال : اسمه إيه يا حاج؟

الشاذلى : (يرد بثقة) الحاج سمير الشحات.. دا تاجر كبير

كمال : آه أعرفه كوييس.. كوييس قوووي.. ربنا يستر يا حاج شاذلى

الشاذلى : ليه بس؟ دا راجل طيب وآدى رقم موبایله

كمال : (يأخذ رقم الموبایل) كده الشيكات زماتها أخذت رفض ده يا
حاج شاذلى.. دا عامل زى القطر

الشاذلى : لا لا مش للدرجة دي يا كمال بيه.. وبعدين مش إنت بعت

البضاعة ومعاك شيكات من المشترى بدل الشيكات دي؟

كمال : آه.. آه ربنا يسهل.. وهو هيوافق

الشاذلى : يا عم كمال لو ما وافقش سلم الشيكات لأى تاجر تاني
وخد البضاعة وسليها

كمال : (بأسى) ربنا يسهلها يا حاج

الشاذلى : أستاذن أحسن مستعجل شوية.. عندي شوية مصالح.. أنا
جيit أعرفك بنفسي وأتأسف.. والله خصب عنى.. أنا ما رضيتش
أتأسف بالموبايل لأن مقامك كبير عندي
كمال : حصل خير يا حاج وربنا يسترها

الشاذلى : هه.. سلام عليكم

كمال : وعليكم السلام

(١٢)

جلس كمال في بلكونة شقته وراح ينظر إلى السماء ويدعو الله بقلبه دعاء خفياً يطلب الفرج من صاحب الكون صاحب كل شيء فالأخذ تهرون بكمال وكأنها في سباق مع الزمن.. فقد تم تسليم شيكاته لسمير الشحات وهذا معناه أنه لابد من الدفع قبل اتخاذ أي إجراء ضده، فهذا الرجل صلد كالصخر لا يعرف الظروف ولا يعترف بمبررات الناس. أيقظه من دعاءه وتوسلاته وخوفه صوت رنين موبايله الذي أكد ما يجول بخواطره.. نظر إلى الرقم وابتسم.. إنه رقم البنك.. رقم مدير الفرع ابتسם كمال محدثاً نفسه

- بسرعة كده يا حاج سمير؟.. كده بيقى خد رفض على الشيكات وأدى البنك يتصل علشان أغطي الشيكات

لم يرد كمال على التليفون إلى أن سكت الرنين

دخلت عليه زوجته كريمة : ماردتش على التليفون ليه؟
- ماعنديش رد دلوقتي.. فيه مكالمة هاعملها وبعدها أرد
- طيب قاعد في الضلعة ليه؟ ما تقيد النور
- هدوء.. كده أحسن.. عايزة قهوة
- حاضر.. عينيا

يأتى صوت رنين الموبيل مرة أخرى فينظر كمال فيجد رقم مدير البنك فيحدث نفسه

- مدير البنك تانى؟.. بيقى فيه كارثة كده.. الشيكات خدت رفض

فيرد عليه

- السلام عليكم.. أهلا سيادة المدير.. التليفون نور
 - أهلا أستاذ كمال.. قولى أخبار حضرتك إيه؟؟؟
 - الحمد لله.
 - إنت كنت مسافر والا إيه؟.. أصل ليك ثلاثة شيكات أخذوا رفضو متاخرين شهر.. أنا قلت إنك أكيد مسافر.. إنت عمرك ما اترد لك شيك
 - نفس الحكاية معايا شيكات على عملاء ولا يوجد رصيد.. بس أنا ما باخدش رفض.. أشكرك على ذوقك وكرمك في إبلاغي
 - إنت من العملاء المحترمين ولازم نبلغ علائنا
 - أشكرك.. أشكرك
 - السلام عليكم
 - عليكم السلام
- تدخل زوجته بفنجانين من القهوة وتجلس بجواره ليشربا القهوة في هدوء
- فيه إيه يا كمال؟
 - شيكاتى اللي أخذها الشاذلى اتردت
 - لأن طارق ما دفعش
 - صح بس هو رفض ياخذ رفض
 - دى حركة جد عنده منه وهاتعمل إيه؟
 - هو ما أخذش رفض علشان يقدر يستخدمهم.. يعنى يديهم لتاجر تاني وده اللي حصل.. اداهم لتجير في الاسكندرية.. ربنا يسترها من عنده
 - اسمه إيه التجير اللي خد الشيكات؟
 - سمير الشحات

- أخباره إيه؟
- ده يهودى

أراد أن يتصل بسمير الشحات لكن الوقت كان متأخراً ولا يريد أن يسبب له أي إزعاج.. فهو في حاجة إليه وأيضاً لم يعد رمزي من سفره إلى طارق الدibe لأن المسافة بعيدة فهو في المنيا فحدث نفسه : يبقى بكرة نتصل والصباح رباح راح يرتشف القهوة في صمت وكريمة راحت في بكاء مكتوم.

كم هي صعبة لعبة انتظار المجهول.. وأنت لا تعرف أين تقف ولا
كيف تسير.. فقط مفاجآت وأنا أكره المفاجآت فرمزي معه بعض
الأخبار ولكن هل قابل طارق الدب أم لا؟.. ليس لدى إلا الانتظار..
إنه لم يقابلها حتى الآن هكذا قال لي.. لقد وصل المنية متاخرًا
رن التليفون نظر كمال وتمتم: ربنا يلطف يا رمزي رد مسرعا

- رمزي إيه الأخبار؟ كلمت طارق؟
- الساعة دلوقتني لسه سبعة وأنا رايح عليه لأن تليفونه لسه مقفل
- وأنا كمان في طريقى للمكتب
- وأنت رايح المكتب بدرى ليه؟
- هو انا بيجيلى نوم دلوقتني يا رمزي ربنا يسترها
- كله خير وربنا يسهلها هاطمنك إن شاء الله

يصل كمال مكتبه ويدخل غرفته في سرعة ويتبعه الساعي بفنجان
القهوة المعتمد. يجلس ثم يبدأ في الاتصال بسمير الشحات وكأنه
طالب ينتظر نتيجة التخرج

- الو.. سمير بيـه.
- ايوة
- أنا كمال محمد..
- أهلاً أستاذ كمال.. مرحب بيـك.. أخبارك إيه؟
- الحمد لله.. أخبار صحة حضرتك إيه؟

- الحمد لله
 - لي عند حضرتك طلب
 - إنت تأمر
 - بالنسبة للشيكات اللي عند حضرتك اللي ادهاك الحاج الشاذلي
 - آه.. دي مع الإدارة
 - مدير البنك لسه مكلمني.. الشيكات أخذت رفض
 - أنا آسف بس ده شغل الشئون القانونية.. أى شيك ييجي ميعاده ومافيش رصيد للشيخ بيأخذوا رفض على طول.. شغل محاميين بقى.. عايزين يبيروا إنهم شغالين
 - طيب كانوا اتصلوا بيا
 - أنا ما اعرفش حكایة الرفض دي إلا منك دلوقتي.. بس كده معناها يا كمال بييه إن ما فيش رصيد في الحساب
 - إنت عارف يا حاج سمير لما يكون في تحصيل بندفع.. والشيكات دي بتاعت بضاعة أنا بعثها ومعالياً شيكاتها ممكن أبعثها لك وأخذ شيكاتي.. هو تاجر كبير برضه
 - مين هو
 - طارق الدibe
 - آه آه.. عارفه طبعاً دا راجل محترم خلاص ما فيش مشكلة ابعت الشيكات وخد شيكاتك
 - ماشي يا حاج.. شكرًا بعد بكرة أكون عند حضرتك بالشيكات
 - تنور في انتظارك.. سلام عليكم
 - وعليكم السلام
- أحس كمال وكأن حجراً رفع من فوق صدره وأحس بسعادة حرم منها كثيراً وراح يشرب قهوته بتلذذ

أحس أن الدنيا بدأت تبتسم وأن السعادة بدأت تسري في أعضاءه
ويحس بالسعادة تسري في أوصاله كأنها لسعة حب جميلة.. على
الفور اتصل بزوجته ليخبرها أن تتهيأ للخروج ليتناولا الغداء
بالخارج احتفالا بالخروج من هذه الكبوة

- كريمة البسو.. هنتغا برا
- بس كده.. أنا جاهزة ومستنياك

(١٤)

جلس كمال وزوجته في البلكون ليشربا القهوة.. فكم هي جميلة من
يد زوجته.. وابنها في الصالة يلعب ماتش الكرة على بلاي استيشن
فالسعادة سحر يحول الإنسان إلى طائر يرفرف بجناحيه في هواء
الأحلام

- عايز أروح قريتنا وحشتني قوى ووحشني بيت أبويا
 - يلا من بكرة.. وأختك هاتفرح بيڭ قوي
 - هى اللي فاتحة البيت هي وجوزها
 - ما انتوا اخوات وجوزها ابن عمك زى ما أنا بنت عمك
 - وحشتني قعدة المصطبة بالليل في الفرنادا
يرن جرس التليفون فيرد كمال دون أن يرى اسم الطالب
 - السلام عليكم
 - وعليكم السلام.. إزيك يا أبو كمال؟
 - مين معايا؟
 - عزت دكتور المزاج.. إنت مش مسميني كده؟
 - أهلا عزت.. أخبارك إيه وأخبار المدام ويوسف؟
 - كله تمام.. أنا طول اليوم بحاول اتصل بيڭ وانت تليفونك مشغول
 - آه.. شوية شغل مع شوية مشاكل
 - فيه واحد صعيدي عاوز يزورك أو تزوره يبقى عمى خلة أبو مريم
 - أهلا بيه.. دا أنا جاي اسكندرية بعد بكرة
 - (في سعادة) معقول؟ أهلا بيڭ انت تنور الدنيا كلها مش اسكندرية
- بس

- (ضاحكا) ماشى يا عم عزت أول ما أوصل هارن عليك
- قولى الأول انت بتحب السمك والا لا؟.. لو لا قول ما تتكلسفن
- هو في حد يقدر يقاوم السمك الاسكندراني الطازة؟
- كده أوكي.. خد عمي معاك اهو
- (خلة في سعادة) أهلا بيتك يا بطل
- بطل مرة واحدة.. ماشى يا عم خلة
- انت أبو الرجال.. كيف أشكرك انت رفعت راسي.. انت عملت فيا
- جميل مهما قولت مش ممكن أعرف أشكرك.. العرض غالى يا ولد..
هو فيه بعد الشرف حاجة؟
- انتوا مكبرين الموضوع قووى يا جماعة
- (خلة غاضبا) كيف مكبرين الموضوع؟ انت خليت شالى زي ما
هو أبيض.. إنت خليت توبى زي ما هو أبيض ونظيف.. إنت ولدى
إنت في معزة عزت ومرمم
- الله يكرمك
- وكمان بتتحمى مسيحي.. يعني كان ممكن تموت علشان عرض
مسيحي.. دا الموت كان على بعد متر واحد.. دا انت ضربت الكلب
في يده قبل ما يضربك.. يعني يا تموت يا تعيش وتقول عادي..
- ماشى يا عم خلة.. أنا ولدك وتبقى كده العملية عادية
- انت ولد مؤدب.. وراجل من بيت أصيل ونعم الرجولة
- العفو يا عمي
- أنا في انتظارك
- إن شاء الله.. السلام عليكم

كان كمال يقلب في الملفات ليجد أي مخرج أو أي أموال له عند أي عميل من عملاء شركته ضماناً لما ستصفر عنه الأحداث نتيجة قلقه من رد فعل سمير وتأخر رمزي في الوصول لخبر يطمئن من ناحية طارق

رمزي يدخل على كمال المكتب فيقوم كمال من مكانه ليستقبله وكأنه يلومه على التأخير وتركه هكذا لمهب رياح هواجسه التي كادت أن تعصف بتفكيره وعقله

- سلام عليكم
- إيه يا رمزي؟.. اتأخرت ليه كده؟.. يومين أنا مستنيك على نار
- أنا لسه جاي من القاهرة.. والله ما روحت بيتي
- وإيه وداك القاهرة؟.. الحاج طارق الديب مكتبه ومخازنه في المنيا.. إيه كان عنك مشوار تاني؟
- (في تلعم) لا.. لا.. أصل.. أصل..
- (بشدة) فيه إيه؟.. بتتهه ليه؟..
- خبر مش كويس..
- آه.. آه.. قول يا عم.. قال لك ماعيش فلوس دلوقتى.. مافيش سيولة.. يا عم بسيطة.. نحاول نصبر الحاج سمير شوية
- (رمزي في حزن) يا ريت..
- (كمال في فزع) يا ريت؟.. كده فيه كارثة.. قول.. فيه إيه؟..
- رمزي وكأنه يطلق رصاصه في قلب كمال
- مخازن طارق اتحرقت كلها

كمال يضع يديه على رأسه وكأنه يلطم

- يا نهار أسود.. اتحرقت إزاي وليه؟

- لسه التحقيق شغال

- دي مصيبة.. دي بلوة

- كارثة كبيرة

- اتحرق قد إيه؟

- كلها جت على الأرض.. وطارق وقع من طوله وجت له جلطة

- سترك يا رب.. سترك يا رب.. (يضرب كمال بيده على المكتب وهو يكتم صرخة).. وأنا كده رحت في داهية... كده بالبلدي لبست في حيطة..

- أنا رحت زرته في المستشفى في القاهرة.. حالته صعبة.. راح

القصر العيني علشان المصارييف

- سترك يا رب.. يعني معاهوش حتى مصاريف العلاج؟

- البضاعه كلها راحت

- سترك يا رب

أحس كمال أن الأرض تدور به وأن النهاية قد أتت وليس في الطريق أي حل يدريه كيف يخرج من هذه الكارثة.. الرجل قد انتهى تقريباً لا مال ولا صحة فكيف يسدد الشيكات إن سلمها لسمير الشحات؟.. فقط سيكون الموت كمدا.. راح كمال يسير في الغرفة ذهاباً وإياباً ورمزي ينظر إليه صامتاً حتى سأله

- عنده أولاد؟

- (في تأثر بالغ) الله عليك يا كمال.. إنت بتسأل على الأولاد..
وما بتسألش على الشيكات.. عنده أربعة.. ولدين وبتين.. أكبرهم
٥ سنة وأصغرهم تلات سنين
- سترك يا رب.. وحالته عاملة إيه؟
- ربنا ما يوريك يا كمال.. متاخر قوي
- وأنا عمل إيه دلوقتى يا رب؟ ساعدنى يا رب
- العمل إيه يا كمال؟.. الشحات صعب
- (باستنكار) الشحات أخد رفض على الشيكات
- عرفت إزاي؟
- البنك كلمني وقال لي
- والعمل؟
- أنا كلمت الشحات.. وكان مفروض إننا نسافر له اسكندرية ونبدل
الشيكات.. ندي له شيكات طارق ونأخذ شيكاتنا
- (بسعادة) وهو وافق؟
- آه وافق
- طيب خلاص مافيش مشكلة

نظر كمال إلى رمزي وكأنه قد تفاجأ من الإجابة وألقى بنفسه على
كرسي فوتيه في آخر الغرفة وراح يسأل نفسه هل يفعل ذلك؟ هل
يسلم طارق المريض لسمير الشحات ليسجنه؟ هل أنا أفعل ذلك؟ هل
أنا أصل إلى هذه الدرجة من الأنانية؟ قطعا لا ولكن ما هو البديل؟؟.
البديل هو أن أسجن أنا... نعم فالبديل سيكون سجني أنا.. يرفع رأسه
لسقف الغرفة ويناجي ربه.. يا رب ليس إلا أنت أنت الملاذ وأنت
الخلاص. ولا يمكن أن أسلم هذا الرجل الراقد على فراش المرض
والموت للسجن.. ونظر إلى رمزي وقال:

- ازاي يا بنى آدم تفتكر إنى أعمل كده؟
- ليه بس؟
- يعني أسلم شيكات واحد شبة ميت.. ومافيش حيلاته حاجة خلاص..
- ما يمكن معاه في البنك؟
- انت مش رحت البنك ومافيش رصيد؟.
- (يصرت كمال وكأنه يستجمع قواه) دا صديق.. واحنا أكلنا عيش
وملح مع بعض.. والراجل ده ربنا يشفيه عمره ما أكل فلوس على
حد.. علشان كده أنا اديته البضاعة بقلب جامد
- هاتدفع مليون ونص منين؟
- مش عارف.. البضاعة اللي عندي كلها خدها طارق الديب.. النار
أكلتها
- وحتى لو طارق خف.. هيدفع منين؟.. مافيش فلوس معاه.. النار
أكلت كل حاجة
- مافيش غير رحمه ربنا.. نحاول مع الشحات
- وهو الشحات ممكن يتنازل عن الفلوس أو جزء منها؟
- يأجل شوية.. بس كده أنا محتاج أكثر من سنة.. علشان أقدر أدبر
الفلوس
- سنة؟.. وكمان أكثر من سنة.. وهو ممكن يوافق؟
- نجرب.. مافيش غير كده.. نجرب

(١٦)

وصل كمال ورمزي إلى مكتب سمير الشحات وجلسا في الاستقبال بحوار السكرتيرة ينتظران الإذن بالدخول فور خروج الضيف الذي بالداخل مع سمير الشحات.. وكمال يتمتم بآيات قرآنية فقرأ معظم قصار سور وأدعية وتسابيح متواصلا الله أن يسدد خطاه في هذه المقابلة.. كان أمامهما كوبان من العصير واجب الضيافة فارتشف من أحدهما رشفة يبلل به حلقة الجاف وكأنه ينتظر الدخول إلى لجنة امتحانات في مادة صعبة فجأة يفتح الباب ويخرج سمير لاستقبال كمال وهو رجل في العقد الرابع يميل إلى البدانة ويلبس حمالات لشد البنطال فوق بطنه المترهلة

سمير : أهلا حاج كمال.. شرفتنا اتفضل
كمال : الشرفلينا إهنا

يدخلون المكتب ويجلسون وكمال مازال يدعو الله ويرجوه أن يلين قلب سمير الشحات

سمير : اتفضل يا حاج كمال.. نورتنا
كمال : المكان منور بحضرتك.. أنا طالب من حضرتك تساعدنا شوية.

سمير : أنا تحت أمرك
كمال : بالنسبة للشيكات.. هنعمل فيها إيه؟

سمير : هتسددها

كمال : طبعا يا حاج

رمزي : يعني شوية وقت وكل شيء يكون تمام

سمير : الشيكات ميعادها فات من ثلاثة أشهر

كمال : مخازن الحاج طارق اتحرقت.. والنار أكلت كل حاجة.. بقى

بالبلدي على الحديدية.. وأنا كان ممكن أسلمك الشيكات وأخذ شيكاتي

وخلاص.. بس ماخلصنيش لا أخد حضرتك ولا أخلص على طارق..

لأن الضرب في الميت حرام

سمير : أولا يا حاج كمال دى أخلاق عالية وسمعتك سباقاك

كمال : شكرًا يا حاج إنتم الأفضل

سمير : ثانية أنا عرفت اللي حصل للمهندس طارق.. يعني أصلاً

صعب كنت أبدل الشيكات.. لكن إنك تعمل كل ده وترفض إنك تسلم

الشيكات دى أخلاق فرسان

كمال وقد أحس بسعادة لأن هذا معناه أن هناك أمل للحل فرد فرحاً

كمال : يعني حضرتك هتساعدني؟

سمير : الفلوس دى يا حاج كمال فلوس بنوك.. هو البنك ممكن

يساعد؟.. البنك بيحبس بس.. على العموم معاك الأستاذ سيد مدير

الشئون القانونية.. هايكم معاك أنا مفهمنه علشان أنا عندي مشوار

ضروري.. أستاذن.. المكتب مكتبكم

(۱۷)

خرج كمال من مكتب سمير إلى مكتب سيد يتبعه رمزي يضرب أحmas فيأسدا.. ماذا يقصد سمير؟ هل سيعطني الوقت لتحضير المبلغ أم أنه يتهرب بكلمات مغسولة وينساب انسياب الماء من راحة اليدي؟ كان يسير خلفه رمزي أيضا مشوش الذهن مما يرى.. نظر كمال إلى رمزي نظرة يعرفها.. تلك نظرة اليأس التي يتخالها الأمل والرجاء.. دخل إلى مكتب مدير الشئون القانونية سيد بيئ وبدأ الحوار بعد تبادل التحايا

كمال : حضرتك عارف يا أستاذ سيد علشان أجهز المبلغ ده محتاج وقت.. على الأقل سنة

سيد : سنة إيه بس؟.. انت عارف إن عليك المبلغ ده من مدة.. مش مفاجأة يعني

رمزي : أيوه عارفين.. ومسددين منه نص مليون للحاج الشاذلي..
المبلغ كان اتنين مليون.. تم التحصيل من الحاج طارق الله يشفيه
وسددنا

سید : ربانا پشفیہ۔

كمال : وانت شايف السوق.. البضااعة دى كات كل راس مالي
وضاعت.. أنا طالب مهله.. وربنا يسهل

سید : انت عارف زی الحاج سمير ما قالک .. فلوس بنک .. والبنک
عداده شغال ..

كمال : ممكن نضيف فوائد الشيكات علينا..
رمزي : يعني هاشتيل شيلتنا

كمال : وعندى بضاعة بحوالى نص مليون.. هابيعها وأبعت تمنها
لكم على طول
سيد : عباره عن إيه البضاعة؟
كمال : عباية حريمي موديل حكاية
سيد : ابعتها وخد شيك.. ويبقى الباقي مليون..
كمال : اديني سنة
سيد : لا.. لا.. مستحيل.. مش في قدرتى.. دي أكبر مني
رمزي : نقول ست أشهر
سيد : أنا قدرتى تلات أشهر فقط.. أو تحاولوا مع الحاج سمير
كمال : إنت الخير والبركة يا سيد بيه
سيد : أقول لك.. ربنا يسهلها
رمزي : (هامسا لكمال) حاول مع سمير
كمال : أحاول مع مين.. دا سينا ومشى.. واحنا جايين له مخصوص
كمال : ماشى يا أستاذ سيد.. نفسك معانا.. سلام عليكم
سيد : لا هانتندا سوا
كمال : أنا معزوم.. خليها مرة تانية وغدانا وشأينا إنك تكلم الحاج
سمير في موضوعنا.. حنن قلبه علينا
سيد : ربنا يقدم ما فيه الخير
كمال ورمزي : سلام عليكم

خرج كمال ورمزي من مكتب سمير ووقفا أمام العمارة فهيا تطل على البحر.. نظر كمال إلى البحر عبر الشارع وخلفه رمزي وقف أمام البحر وأخذ نفسا عميقا من هواء بحر إسكندرية المنعش لعله يخمد النيران المتاجحة في داخله فالصراعات داخل كمال كحرب شرسة لقد طغت المادة على الجميع والكل تحول إلى آلات حاسبة تحسب فقط.. فالرجل يحضر ولا يملك دواعه ولا طعامه وهو يريد التأجيل فقط.. نار في أعماق كمال كلما تذكر معاملة سمير وسيد.. أنا لم أطلب منه أن يتنازل عن المال.. فقط أريد بعض الوقت.. ما هذه القلوب الصلدة التي لا تلين إلا لصوت الأموال؟.. نظر إلى رمزي نظرة كلها الم

- هنعمل إيه يا صاحبي؟
- العمل عمل ربنا.. سيبها الله يا كمال.. والله ربنا ما هينساك وهتفرج

جاء رنين الموبيل ليخرجه من هذه الدائرة فعزت يتصل بهم

- انت فين يا كمال؟
- أنا على البحر في سيدى بشر
- إحنا مستتنينك في المطعم
- مطعم إيه؟
- أكبر وأجمل مطعم على الكورنيش المطعم داخل البحر يا صاحبى
هابعتك اللوكاشن على الوتس

استقل كمال سيارته وذهب بصحبة رمزي للمطعم بينما عقله لا يكفي
عن التفكير

(١٩)

دخل كمال ورمزي المطعم ليجدا عزت وزوجته وأبوها خلة
ينتظرونهم.. منظر البحر من المطعم جميل فالماء حول المطعم من
كل مكان.. والكل قد استقبله بترحاب وكأنه أحد أفراد أسرتهم.. ما
هذا الحب وهذه الأخوة الذين نزلوا على قلبه المفعم بالأسى بربادا
وسلاما

عزت : أهلا يا كمال..

كمال : أهلا بيـك. رمزي صديقى ومدير الشركة

عزت : أهلا رمزي

رمزي : أهلا بيـك

مريم : شرفتنا ونورتنا يا أستاذ كمال

كمال : الشرف علينا

عزت : عمى خلة هو عمى صح أخو أبوى وكمان حمايا أبو مريم

خلة : (بلهجة صعدية) كيف يا كمال يا ولدي؟.. كان نفسى أشوفك..

والله أنا سعيد بيـك قوي.. تعالى يا ولدي في حضنى يا حامي شRFي

ورافع راسى

كمال : أنا الأسعد يا عم خلة

يتعانقان في حب وخلة يشعر أنه وجد ابنه الغائب منذ سنين

خلة : تعرف يا بطل.. انت عندي كيف ولدي جمال

كمال : ده شرف علينا انت مسميه جمال على اسم الزعيم

خلة : ايوة على اسم البطل برضه اللي رفع راسنا كلنا
رمزي : انت راجل أصيل يا عم خلة

نظر خلة بعين الخبير في عيني كمال ولمح فيهما الحزن يرتو من
مقلتية

خلة : مالك يا ولدي فيه ايه؟.. فيه حزن بيطل من عينيك يا كمال
عزت : صح يا عمى أنا حاسس إنه حزين
كمال : ربنا ما يجيب حزن.. الدنيا ومشاغلها
رمزي : أبداً.. واحد صاحبه مريض شوية
خلة : ربنا يشفيه.. أنا في انتظارك يا بطل خليك معانا
رمزي : إيه يا جماعة؟.. كل ده سماك.. هو لسه البحر فيه سماك
تاني؟ (الكل يضحك)
مريم : ده أقل واجب
خلة : مقامك عندنا كبير يا كمال
عزت : اتفضلو.. قبل ما السماك يبرد

راح كمال ينظر إلى البحر يشكو له همه وخوفه من الغيب فماذا
تخبيء له الأيام؟.. وإلى أين سيصل به المطاف؟.. لا يعلم هذا إلا الله
وراح يشكونا همه وحزنه وخوفه إلى خالقه فلا سبيل للنجاة سواه

مضى أكثر من شهر على لقاء سمير الشحات وهو يحاول في كل اتجاه.. جلس كمال في مكتبه ينتظر عودة رمزي من الاسكندرية ومعه شيك العبايات فقد ذهب بكل ما لديه من بضاعة ليفك شيئاً من العقدة التي ربطت بشدة على عنقه.. إنه يحتاج إلى عام فقط ليستطيع جمع هذا المبلغ.. وواتته فكرة ظن أنها الحل.. لماذا لا يأخذ قرضاً من البنك ليفك أسره من تلك الأزمة؟.. فليجرب.. وعلى الفور طلب مدير البنك

- السلام عليكم حازم بيك
- أهلاً كمال بيك
- كنت عاوز أكلمك في موضوع قرض
- اتفضل
- عاوز مليون جنية قرض لأنى عاوز اتوسع ونشتري بضاعة
- للأسف هو فيه مشكلة دلوقتى يا كمال بيه
- مشكلة إيه بس؟
- الشيكات اللي خدت رفض دي بتخلى الدراسة صعبة وبسبب الشيكات المرتجعة بالرفض دايماً اللجنة بترفض
- ممكن نخلي المبلغ نصف مليون
- الرفض بسبب إن فيه شيكات أخذت رفض مش علشان قيمة المبلغ
- يعني صعب؟
- للأسف..

أحس كمال أن حgra جديدا وضع فوق صدره وهو أن سمعته في
مجال العمل قد بدأت تتأثر من جراء ما يحدث.. الآن البنك الذي طالما
كان يلهث خلفه من أجل أن يأخذ قرض يرفضه الآن بسبب أن سمير
أخذ رفضا على الشيكات وكان من الممكن أن يطلبه تليفونيا قبلأخذ
الرفض ولو من باب التقدير ولكن هذا الرفض قد أغلق طريقا كان
من الممكن أن يحل المشكلة
رمزي يدخل المكتب على كمال فرحا

رمزي: خد يا كمال الشيك اهه
كمال: جبت الشيك من الشحات
رمزي: استلموا البضاعة.. وده شيك بنص مليون.. ربنا يقوينا على
الباقي
كمال: يا رب.. بس منين؟ مافيش فلوس.. هى السما هتمطر فلوس؟
رمزي: إيه يا كمال؟.. ربنا موجود..
كمال: ونعم بالله.. لازم تكون واقعى.. ولما يكون فيه كوارث أو
فشل يبقى مننا ولا ملجا لنا إلا الله
رمزي: وكمان نجحت أزود المدة شهر كمان بالعافية والله
كمال: هم شاديين قوى كده ليه؟ ما احنا بنصبر على الزباين
رمزي: أنا عرفت نظريتهم ودائما بيستخدموها
كمال: تبقى إيه بقى؟ يمكن نعمل زيهم
رمزي: بيقول أستاذ سيد إن الزبون بيفضل يتهرب لحد ما يصدر
الحكم.. وأول ما الشيك ياخذ حكم الزبون بيطلع الفلوس على طول أو
بيتصرف
كمال: ممكن يكون صح مع ناس معينة.. لكن مش مع الكل

رمزي : عندي خبر وحش بس لازم تعرفه.. عرفته من مكتب سمير
الشحات

كمال : إيه تاني ربنا يسترها؟

رمزي : (في حزن) المهندس طارق مات

كمال : (في صوت تملأه الفاجعة) إيه؟ امتى؟

رمزي : بقاله أسبوع

كمال : لا حول ولا قوة إلا بالله.. دا أنا كنت عاوز أزوره دا عشرة
عمر

رمزي : دي أعمار يا كمال ونصيبه كده

كمال : كده خلاص أنا شيلت الشيلة رسمي.. لو كان أمل إنه ممكن
ربنا يعوض عليه ويبيجي يوم ويسد ديونه.. خلاص قفلت رسمي

رمزي : ما هى فافلة من يوم ما جات له الجلطة والحريق

كمال : أيوه بس بقت بشهادة وفاة.. بقت رسمي.. لازم نروح
نعزي.. جهز نفسك بكرة نسافر

(٢١)

نظرت إليه زوجته وهو يدخل شقته فعرفته فهناك انكسار كبير به..
ماذا بعد يا كمال؟؟ ما كل هذا الحزن وهذه الشدة ألا يوجد فجر لهذا
الظلم؟.. أين نور الصبح ليزيح هذا السواد المتربيع على القلوب؟..
فسألته

- مالك يا كمال؟.. فيه جديد؟
هز رأسة بالإيجاب فسألت
- خير يا كمال؟
- مهندس طارق تعيشى انتي.. رحل إلى من عنده الرحمة إلى من
يحنو عليه
- البقاء لله.. وعموما هو كان تعban
- آه.. بس هو ارتاح.. أنا اللي تعban وعايز ارتاح
- بعد الشر عليك يا حبيبي
- بكرة هاسافر أعزى مراته
- هاجى معاك
- ماشى ونخلي رمزي لأن عنده شوية شغل

دخل إلى غرفته لينام ولم يطلب عشاء أو شاي.. فالهم يرفرف فوق
رأسه ويعبث بقلبه.. وصدره أصبح ضيقا

(٢٢)

وقف كمال أمام شقة طارق الدibe و معه زوجته .. لم يدخل هذه الشقة
قط فقد كان لقاءه بطارق دائما في المكتب والمطاعم وكثيرا ما سافرا
معا.. طرق الباب وفتحت لهما زوجة طارق .. تبادلا الترحاب ووجد
صورة طارق معلقة في الصالون نظر إليها مليا ودمعت عيناه فموت
طارق كان كمدا مما حدث له وانه أصبح صفر اليدين .. لا يفارق عقل
كمال هذا التفكير وكان لسان حاله يقول إنه سيحدث له مثل طارق
فقد أصبح خالي الوفاض ومطلوب منه أن يسدد مليون جنية .. بادرته
زوجة طارق لتخرجه من صمته

- طارق الله يرحمه كلمنى عنك كثير
- طارق أكثر من أخ رحمة الله عليه
- شكر الله سعيك يا أبو أحمد

مد يده إليها بالشيكات التي على زوجها طارق

- اتفضلي .. دى شيكات خاصة بطارق الله يرحمه

نظرت إلى الشيكات وملأتها الدهشة .. لقد حدثها طارق أن عليه
شيكات بمليون ونصف لكمال ثمن البضاعة التي أكلتها النيران

- لكن انت لسه ما أخذتش فلوسهم؟

- لا أخذتهم.. هو حولهم على البنك قبل الحريق بأسبوع وقال لي لما
نقابل أحد الشيكات
- يا حاج كمال طارق بيقولى على كل حاجة.. أنا عارفة كل شغله
و قبل ما يموت قال لي على حكایة الشيكات وكان حزين علشانك..
قال بنفس الحرف أنا حاسس إني هاموت وهارتاح وكمال هو اللي
هيشيل الشيلة

دخلت زوجة طارق في نوبة بكاء هisteric مما رأت من نبل هذا
الفارس.. إن المبلغ كبير ليس ألف أو اثنان أو مائة ألف إنه مليون
ونصف.. كيف يرد الشيكات بهذه البساطة؟.. إنها لا تصدق ما فعله
كمال.. إنها مثل أحداث صدق أو لا تصدق وهي لا تدري أنه لا يملك
الآن أي شيء بعد أن فقد الأموال التي له لدى زوجها.. فكيف لو
عرفت أنه أصبح مثلهم لا يوجد لديه شيء إلا ذراعيه وكده
واجتهاده؟؟.. فقد ضاع رأس ماله بحريق البضااعة ومع ذلك يتنازل
عن الشيكات!!... دمعت عيني كمال وزوجته وبعد أن دخلت زوجة
طارق لتفعل وجهها من الدموع وأصبح كمال وزوجته وحدهما
سألته وهي لا تصدق

- معقوله ترجع الشيكات.. المبلغ كبير وهو كل رأس مالنا
- يا كريمة الضرب في الميت حرام.. وهم ولاده القصر ومراته
المسكينة لاقيين يأكلوا أصلا

أعطى كمال زوجته مظروف به بعض الأموال تعطيه لزوجة طارق
كى تستطيع إطعام أولادها وسط ذهول زوجة طارق وبكائها الذي لم
ينقطع

أغلق ملف طارق عند كمال إلا أنه كل شهر يرسل أحد العمال إلى
مكتب البريد لإرسال حواله بألفين جنية شهرياً إلى زوجة طارق من
أجل أولاد صديقه الأيتام فالحياة تستمر والرازق هو الله

مرت المهلة منذ أكثر من شهرين كالبرق.. حاول أن ينفذ أي صفة كبيرة لكن دون جدوى.. كلها كانت عمليات صغيرة لا تكفي إلا المرتبات والإيجارات فسرت في السوق قصة الشيكات وحريق المخازن كما تسرى النار في الهشيم.. ولم يوافق أى تاجر على صفقات إلا نقدا.. فالكل فضل الكاش وقد كانوا بالأمس يلهثون خلفه بل وأتى إليه المحضر ليعلنه بحكمين لقضيتين كل منها حكمت عليه بسنتين.. فلم يجمع سمير الشحات الشيكيين في قضية واحدة بل جعل كل شيك بقضية منفصلة ليضمن هرولة كمال إليه لسداد ديونه والإفلات من الحبس.. فهو مازال يظن أن كمال يماطله وأن الأحكام ستجعله يهروء إليه ليسدد ما عليه وينجو من السجن ورغم كل ما يدور فلم يصدق سمير الشحات أن كمال أصبح مفلاسا

هز كمال رأسك وتمتم ليس في الإمكان أفضل مما كان.. وقف في شرفة مكتبه ينظر إلى السماء وقد كساها السحاب حاجبا ضوء الشمس.. فالشتاء يزحف خلف الصيف الذي ولـى أمام تكشیر الشتاء عن أنیابه وراح هوائه الجميل يلثم وجهه

نادي كمال رمزي

- اسمع يا رمزي.. كده خلاص الدومنة قفت

- دي أول درجة لسه بدري

- يا رمزي أنت راجل محامي.. وعارف النتيجة

- أنا هاروح للحاج سمير تانى.. وأحاوـل يأجل شوية أو يقسط

- يا رمزي ده عملهم قضيتين علشان ياخذ حكمين.. يعني مخطط كوييس بعد ده هايسبيب القضية دا حكم ما فيهوش تأجيل عموما ده أول درجة..
- لا أول درجة ولا تانى درجة.. هانقول إيه؟.. نطعن بالتزوير؟.. الامضاء بتاعى..
- نكسب وقت
- شوف البنك فيه ميت ألف جنية.. والعربية تجيب كمان خمسين.. أنا حسيب لك توكييل تبيعها
- يا كمال ربنا هيفرجها إن شاء الله
- ونعم بالله.. تشغل المكتب وتفتح البيت لحد ما أخرج.. اهى بنت خالتك وأخت مراتك.. ومصاريف السكرتيرة والساوى ومصاريفك برضه
- والنبي بلاش الكلام ده
- وبعدين أم أحمد عارفة الشغل كوييس قوى.. دى تخصص عباية حريري.. يعني خلى التجارة في العباية.. حتى التخصص في منتج واحد يدي شهرة أكبر
- رمزي : (بصوت منغم بالدموع) حاضر يا كمال
- بتبكي؟.. عموما أنا مفهم بنت خالتك على كل حاجة.. واحنا راضين بقضاء الله..
- انت فارس.. وراجل كريم.. بس حظك بقى
- حظ إيه؟.. أنا واثق إن ربنا هيفرجها.. بس إمتنى.. دى بتاعة ربنا بقى

قطع صوت أذان الفجر سكون ليل القرية وجاء منسابة عزبا يلامس
تلaffif القلب وينيره ويقطع الطريق على أفكار كمال السوداء وهو
جالس في الفراندا وعلى المصطبة التي صنعتها والده الشيخ محمد..
ترك كمال شقة وجاء للقرية بحثا عن الهدوء النفسي الذي افتقده
وهربا من المشاكل مثل ما كان يفعل وهو صغير يهرب إلى حضن
أمه كلما حلّت به المشاكل أو أراد والده ضربه.. ندى الفجر مع لفعة
صقيع أمشير تلامس وجنتية فالبرنده مفتوحة على الشارع وأمام
البيت أرض فراغ كبيرة أصبحت من الأمتار مثل بحيرة
قام ليصلى الفجر هو وزوجته وعاد إلى الفراندا وجاءت زوجته
بالشاي أبو حليب ليشق ريقه كما يقولون في قريته

- اسمع يا أم أحمد.. الحكم تانى درجة اتحفف إلى مجموع ثلاثة
سنوات.. وكده خلصت
في صوت متحشرج بالبكاء
- يعني خلاص
- سمير رفض يقسط.. والحكم نهائى
- يعني هيأخذ إيه من سجنك؟.. مش التقسيط أفضل له ولنا؟
- هو لسه فاكر إني معايا فلوس وبمثل عليه.. فالخوف من السجن
هایخليني أطلع الفلوس.. ده فكره.. المهم البنك دلوقتى فيه ميت
ألف.. وده توکيل ليكى بالسحب والإيداع.. وانتى خبرتك كويسة في
العباية الحريمى.. دورى المكتب.. وماتعتاش همى.. ورمزي ابن
خالتك أنا مرسيه هاي عمل إيه.. وربنا المستعان

تدخل زوجته في نوبة بكاء تقطع سكون الليل وتقطع نيات قلبه
وينظر إلى الأفق ويملا عينيه من أرض قريته ومنظرها الذي يسرى
في قلبه السرور بعودته لذكريات الطفولة فهى التي ولد وكبر فيها
قبل أن يوضع بين أربعة جدران تنفيذا للحكم

(٢٥)

تم تنفيذ الحكم بسجن كمال وراحت زوجته تدير العمل على قدر ما معهم من مال ورفضت بيع سيارة زوجها وكذلك السكريتيرة رفضت أن تكون حملاً يضاف على أم أحمد وكذلك الساعي فهما يعصرهما الحزن كأهله وراحت أم أحمد تدير العمل من بيتها وأغلقت المكتب.

رمزي وضع نفسه تحت أمرها فهي ابنة خالته وأخت زوجته وزوجة صديق عمره.. فكان يعمل كمندوب مبيعات يأتي بالطلبية ويذهب لشراء البضاعة بل وجاءت زوجته لتساعد أختها إن لزم الأمر وراحت الأيام تمر بطيئة وكئيبة بلا معنى ولا طعم وكانت تقول هي أيام فرست علينا ليقضى الله أمراً كان مفعولاً

(٢٦)

حاول عزت الاتصال بكمال أكثر من مرة لكن تليفونه كان دوما مغلقا.. مرت أكثر من ثلاثة أشهر والتليفون مغلق وتليفون المكتب لا يرد.. راوده القلق فلا بد وأن يكون قد حدث شيء وجاءه سؤال زوجته مريم

- إيه يا عزت حكاية كمال؟.. لسه تليفونه مفتوح؟
- أنا بحاول اتصل بيه أكثر من شهرين دلوقتي التليفون مفتوح
- وتليفون المكتب؟
- جرس ولا أحد يرد..
- انا قلبي مش مطمئن.. فيه حاجة حصلت أكيد
- بيقى ما فيش غير انى أساور له واشوف إيه اللي حصل؟
- امتنى؟..
- يوم الخميس الجاي بعد يومين.. علشان عندي عمليتين كبار

(٢٧)

أصبح الشغل الشاغل لعزت هو الاتصال بمكتب كمال لعله أحد يرد عليه لا يكل عن الاتصال ولكن لا أحد يرد.. ولكنه لم ييأس وهو يحاول الاتصال قبل أن يسافر إليهم يوم الخميس وأخيرا جاء الرد وعلم بما حدث لكمال هذا الرجل الشهم الذي أنقذه من الموت وأنقذ شرفه من الضياع ومن سعادته اتصل بزوجته مريم لمشاركة السعادة بمعرفة أخبار كمال الذي جعله وكذلك هي في منزلة الأخ الشقيق

- مريم
- أيوه يا عزت
- تليفون مكتب كمال رد
- بجد كوييس .. إيه الحكاية؟
- كمال مسجون..
- يا لهوى .. ليه؟
- الساعى بيقول إنه ضمن واحد في شيك بعشرين ألف جنية وصدر حكم غيابي عليه
- (في دهشة) معقوله؟.. كمال معهوش عشرين ألف جنية؟
- ده اللي قاله الساعى.. وبيقول البضاعة اللي باعها للتاجر كلها اتحرقت وما فيش سيولة.. وهمابيجهزوا الفلوس
- انت هاتعمل إيه؟
- أنا عملت مش لسه ها عمل.. سحبت الفلوس وفي طريقي للمحافظة
- انت حبيبي.. مع السلامة

(٢٨)

انطلق عزت كالسهم لينفذ من أنقذه وأنقذ ابنه فلذة كبده من الموت
وأنقذ شرفه من الوحل لقد تربع كمال في قلب عزت وعائلته ..

يومان وعزت يبحث من قسم إلى قسم ومن مكتب إلى مكتب ليصل
لكمال ومكان سجنه ويتصل بالمحامى الخاص به ليساعده في
التوصل لكمال

وصل لمكان كمال ووقف أمام السجن وتمتم: هنا يحبس الفارس
الهمام خلف القضبان.. يحجز من يعرف الشرف بتهمة الشرف

دخل عزت وأخذ يسأل كل من يقابلها إلى أن وصل إلى الخزينة
ووقف أمامها وراح يسأل أمين الشرطة الجالس بغرفة الحزينة

- لو سمحت عايز أدفع لغaram
- اسمه.. والمبلغ؟
- اسمه كمال محمد أمين.. والمبلغ عشرين ألف..
- اسمك؟
- أنا فاعل خير
- لازم الاسم.. والا اقولك استنى أكلم الظابط

ذهب الموظف للضابط وأعطاه الطلب

- افضل يا باشا توقيع حضرتك .. بس مارضيش يقول اسمه ابتسنم الضابط سعيدا بعمل الخير ورفضه الافصاح عن اسمه
- عادي .. فيه ناس بتعمل الخير لله .
ينظر الضابط لعزت مبتسمـا
- افضل أقعد حضرتك
- ممكن يخرج امتى؟
- يعني بالكتير يومين .. نسدد المبلغ ونبلغ النيابة
- ممكن آخد نمرة حضرتك اطمئن عليه .. يعني آعرف هايخرج امتى
- افضل ده تليفون المكتب هنا
- أشكرك .. السلام عليكم

وأعطاه أمين الخزينة الإيصال الدال على السداد وخرج عزت وهو يكاد أن يرقص فرحا

(٢٩)

قفز عزت داخل سيارته وانطلق كالسهم يأكل الطريق أكلاً وحدث زوجته ليبلغها أنه قام بالسداد وكلها ساعات قليلة ويخرج الفارس النبيل ليستنشق هواء الحرية . لكنه لا يستطيع أن يضع جانباً مخاوف زوجته أنها لا تستوعب أو تقبل أن كمال محبوس من أجل عشرين ألف جنية .. سيارته تعبر حاجز المائة ألف جنية وبالتالي مصاغ زوجته كذلك ..

هناك شيء خطأ .. إما أن يكون المبلغ أكبر وإما أن يكون للحبس سبب آخر .. لكنه رغم أنه يصدق هذا الكلام إلا أن قلبه يرفضه لأنَّه أحب كمال ويريد تحريره من أسره فلتكن هي العشرون ألف ويخرج

البطل وراح يردد:

- كلها بكرة ونعرف السبب

ما أن خرج عزت من مكتب الضابط حتى أمر بإحضار ملف المسجون كمال محمد أمين وطلب إحضار المسجون ليبلغه بنفسه هذا الخبر السعيد ودخل كمال إلى مكتب الضابط ووجد الضابط أمام شخص وقرر عليه علامات النجابة وعلامة الصلاة تزين جبهته

- تعالى ياكمال
- افندم
- فيه فاعل خير جه يسدد الفلوس اللي عليك.. هو سايب لك عشرين ألف جنية.. وأنا بعث للإدارة لأخذ الإجراءات

ابتسم كمال في سعادة

- اسمه إيه؟
- رفض يقول اسمه
- جميل جدا.. بس يا خسارة
- جميل وخسارة.. فيه إيه؟
- أنا مصيبيتى كبيرة.. كبيرة قوى.. المبلغ مليون جنيه
- ياه.. على العموم إنت معاك عشرين ألف جنيه بتوعك..
- بتوعى.. يعني إيه؟..
- فاعل الخير جاي لك انت مخصوص.. بالاسم الثلاثي.. مبروك عليك المبلغ ممكن تعيش بيه كوييس هنا.. أو تبعته لأولادك

- أنا كويس قوى.. وولادي مستورين.. معايا في العنبر اتنين مساجين مجموع اللي عليهم عشرين ألف جنية.. أنا متبرع بالملبغ لهم.. ويروحوا يناموا مع ولادهم.. كلهم اللي محبوس علشان ثلاثة أو بوتجاز.. جهاز البنات يا بيه
- لا استنى.. انت أول مسجون يخرج مساجين ويضحي كده.. ايه حكايتكم؟ قول إزاى اتحبسـت وانت راجل قلبك كبير كده؟
- اللي حبسـنى قلبي الكبير.. والمروءة.. حكايتـى هي....

وسرد للضابط قصة حبسـه وتفانيـه من أجل صديقه والضابط ترداد ابتسامة الاعجاب والتقدـير لهذا الرجل ويردد ما زالت الدنيا تنجب خيرا

(٣١)

الحياة تسير ولا تتوقف مهما كان السبب.. فطوفان الأيام يلف الجميع والكل ملقى على رحایا الأيام تطنه.. ونعمة الصبر أن أنعم الله بها على عباده كانت بلسمًا لرحي الأيام.. فيها هي أم أحمد وبمساعدة رمزي ينتقلون من صفة إلى صفة.. كلها صفات صغيرة وكلها دفع كاش فالكل رفض القسط أو الدفع الآجل بعد حبس كمال

دخل رمزي على أم أحمد سعيداً وبيده تصريح زيارة لزوجها

- افضللي يا أم أحمد
- خير
- تصريح زيارة لكمال التلات الجاى.. يعني بعد أسبوع
- شكرنا يا رمزي.. انت أخويانا يا رمزي مش ابن خالتي بس
- ربنا يعلم معزة كمال عندي قد إيه؟.. بس ما فيش في إيدى حاجة
- ربنا كبير.
- ونعم بالله.. في محل في القاهرة عاييز ميت عباية كلاس ١
- إن شاء الله موجود.. ونوديهم قبل الزيارة كمان

(٣٢)

ما إن قام عزت من نومه حتى ألقى نفسه على كرسي بالصالحة
وأنمسك بالتلفون ليطمئن على خروج كمال فسألته مريم لغابة الأمر
 فهو يتصل تليفونياً وقبل أن يغسل وجهه

مريم : بتكلم مين؟

عزت : بكلم الضابط أطمئن على خروج كمال..

وجاء صوت الضابط

الضابط : الو.. مين معايا؟

عزت : أنا فاعل الخير.. بتابع العشرين ألف جنية

الضابط : (بلهفة) أهلاً .. انت فين؟

عزت : تحت أمرك.. كمال خرج؟

الضابط : للأسف لا..

عزت : (مقاطعاً وفي لهفة) ليه بس؟

الضابط : صبرك علياً.. ها أقولك كل حاجة.. صاحبك ده فارس نبيل..

أولاً المبلغ مليون جنية

عزت : (مقاطعاً وهو يصرخ) يا نهار أسود.. يا دي المصيبة مليون

جنيه؟.. دي كارثة..

وصرخت مريم ولطمته وجهها : يا خرابي مليون جنية؟!.. مش قلت
لك في حاجة غلط

عزت : (يكمي حديثه مع الضابط بصوت حزين) أنا ماكنتش مصدق من جوايا إنه محبوس علشان عشرين ألف.. ده راجل نبيل وألف مين يديله عشرين ألف.. بس مين يديله مليون؟..

الضابط : ربنا يفرجها عليه

عزت : طيب ممكن أعرف الحكاية من فضلك؟

الضابط : طبعا.. أنا حاسس إنك صاحبه جدا وهاتساعده علشان كده أنا مستنى اتصالك وهاحكى لك .. إنت شكلك زميل قديم له

عزت : (بصوت حزين) أبدا أنا شفتة مرتين بس في حياتي..

الضابط : معقوله (وكتأته يحدث نفسه) وعلى إيه العجب؟.. أنا شفته مرة واحدة ومستعد أدفع له المبلغ لو معايا.

وحلى الضابط القصة لعزت وحلى أيضاً ماذا فعل بوديعة عزت له
وعزت لا يستطيع إيقاف دموعه

أسقط في يدى عزت ومريم وخيم الصمت عليهما وأحكم قبضته وكل ألقى رأسه على مسند كرسيه وراح ينظر إلى السقف وكأن على رأسيهما الطير.. نظرت مريم لعزت وسألته سؤالاً بصوت هو أقرب للبكاء

- يعني إيه؟.. خلاص ما فيش فايدة؟
- لازم يكون فيه طريقة.. والله لو هابيع هدومى والراجل ده يطبع
قالت مريم في أسى أقرب لل Aires
- بس ده مليون جنية.. أنا الذهب اللي عندي مش هايجب خمسين ألف جنية
- ماشي.. وأنا معايا في البنك مية وخمسين ألف.. هاخلي خمسين ألف لشغل المستوصف.. يبقى مية وخمسين.. وبعدين
عربتك يا عزت.. تجيب خمسين على الأقل
- ماشي والعربية كمان مش مشكلة.. يبقى متين ألف.. لسه كتير..
ما فيش غير إننا ندور على شريك للمستوصف أو نبيعه
- معقوله هابيع المستوصف؟
- إحنا شغالين يا مريم في أكثر من مستشفى.. أنا دكتور بنج وأكتر من مستشفى بتحتاجني في العمليات.. يعني مستورة
- يا عزت المستوصف التذكرة فيه بعشرة جنية يعني بيجب مرتبات العمال بالعافية ده مين اللي يشتريه؟
- هنلاقي اللي يشتريه يعمل التذكرة براحته يا مريم

- بيع المستوصف صعب عليا كتير لأن بسبب مساعدتنا للناس عن طريق المستوصف ربنا بعتلينا كمال يساعدنا
- تعالى يا مريم نحسبها كوييس لو أنا كنت مت في الحادث..
- المستوصف كان هايرجعني؟
- بعد الشر عليك.. طبعا لا
- ولو كان لقدر الله البطلجية اغتصبواكي.. المستوصف كان هايرجع لنا شرفنا؟
- يا مصيبي ده أنا كنت انتحرت.. طبعا لا
- ولا قدر الله لو كان ابنتنا يوسف الوحيد جرى له حاجة المستوصف كان هيرجعه؟؟؟
- ألف سلامه عليه.. طبعا لا.. والله عارفة بس المستوصف بابنا للخير والتقرب لله
- بيقى نبيع المستوصف أو ندور على شريك يدينى فلوس
- كده أنت هتاخذ وقت كتير عموما كل الناس وأبدا وأنا إحكي لبابا يمكن يكون عنده تصرف تانى
- عزت : دا خبر سجن كمال هايبيقى كارثة له

(٣٤)

ذهب عزت للمستوصف وجلس إلى مكتبه وأخذ يتصل بكل أصدقائه وكل من له في هذا البزنس ولكن كانت الردود أنه مستوصف الملائم وأنه أقل من اقتصادي ولا أحد يتوقع له أن يكون مدرا للمال مهما جددوا وسمع أرقام بخسة وكأنه سقط سقوط مروع ففكر في البنك لماذا لا يأخذ قرض لينفذ صديقه وي Sidddeh على أقساط قرض لتطوير المستوصف فذهب إلى البنك الذي به حسابه فهو يعرف مسؤول الانتمان هناك ودخل البنك وكله أمل وتحدث مع المسؤول ووجد الترحيب وطلب منه دراسة جدوى وفواتير المعدات المطلوبة وأسماء الموردين لأن الشيكات ستتصدر بأسمائهم أحس بخيبة أمل هذا موضوع طويل يحتاج شهور ولن ينفذ صديقه فالشيكات لن تكون باسمه موضوع صعب فعاد كما ذهب خالي الوفا

فكرت مريم كيف تقول الخبر لوالدتها فكمال أصبح بالنسبة له أكثر من ابن وهذا سيسهل طلبها وربما أجابها قبل أن تطلبه توكلت على الله واتصلت وجعلت الحوار يقود نفسه

دخل عليها عزت نظرت إليه فعرفت أنه لم يوفق وشرح لها ما حدث بالتفصيل فقالت له : كده ما فيش غير بابا فهز رأسه موافقاً لأنَّه الأمل الوحيد الباقِي لهم فأخذت الموبايل واتصلت وهي تدعُو الله أن يكون باستطاعته والدتها توفير المبلغ فهو لن يرفض مطلقاً ولكن المهم الاستطاعة

مريم : الو يا بابا

خلة : أهلاً مريم.. كيفك يا بنتي؟

مريم : (بصوت حزين) نشكر ربنا

خلة : مالك يا مريم صوتك ماله؟

مريم : معاك عزت يحكى لك

عزت : الو يا عمى

خلة : فيه إيه؟.. طمنوني يا أولاد.. انتم كويسيين ويوسف كوييس؟

عزت : إحنا تمام نشكر ربنا

خلة : طيب فيه إيه أمال؟

عزت : كمال صاحبنا يا عمى في شدة

خلة : (في صوت عالي) ماله حصل إيه؟

عزت : اتحبس

خلة في فزع : إيه؟ بتقول إيه؟.. اتحبس ليه؟ قول يا ولد

راح عزت يروى القصة كلها من أول حريق المخزن وحتى دفع العشرين ألف جنية وتبיע كمال بهم وجاء رد خلة قوي كعصبيته الصعيدية المعجونة بالرجلولة

خلة : معقوله.. الشهامة والرجلولة.. تمنها يبقى السجن؟.. خلاص مابقاش فيه أمان في الدنيا.. نبقى وحشين عشان نعيش.. نشوف واحدة بتغتصب ونبيتها عشان نعيش.. واحد بيقتل نسيبه عشان نعيش.. واحد بيته اتخرب وبيموت نسجه عشان إحنا ما ننسجش ضاعت المروءة يا ولاد يا خسارة.. دا الرجال خرج مساجين معاه غرماء غيره وهو جوه السجن

مريم بصوت عالي مغموسا بالبكاء لتسمع والدها

- الرجل ده ليه دين في رقبتي

خلة : (مملا كلامه) والله والله.. لاخرجك يا كمال مهما كلفني عزت : أنا دهب مريم على عربتي على شوية فلوس في البنك يعملوا متين ألف

خلة : تسلموا.. أه كده.. بس أنا مشحتاج فلوسكم.. أنا هابيع النص فدان اللي لحاله بعيد عن باقى الأرض.. هو دخل الكردون.. والكل بيجرى عليه والسعير حلو قوى عزت : معقوله هاتبيع الأرض يا عمي؟

خلة : شوف يا عزت الأرض عرض صح.. لكن لو كان انتهش عرضنا يعني شرفنا تفتكر لو بعت الأرض اللي حدايه كلها كنت هارجعه؟

عزت : ولا مال الدنيا كلها

خلة : الله ينور عليك يا عزت العرض لا يقدر بمال.. اللي احنا بنعمله مش ممكن يساوي اللي عمله كمال.. إحنا بنخلي صورتنا حلوة قدامه وبس.. يللا يا ولدي خذ الأجراءات

عزت : الوقت يا عمى.. يعني الناس جاهزة؟

خلة : (بحزم) دول يا ابني على رنة تليفون.. كلموني كتير بس أنا كنت ناوى أعمل لكم فيه مستشفى انت ومريم.

عزت : ربنا بيبارك في عمرك

خلة : بالكتير بكرة تكون الفلوس معايا.. رتب يا عزت مع الضابط الشهم ده.. قول له يوم التلات هانكون عنده بالفلوس.. يكون مجهر كل شيء علشان نرجع بكمال

رد عزت وهو سعيد ولكن لا يصدق أذنه فالأرض عندم في الصعيد عرض

وتطلق مريم زغرودة ممزوجة بالبكاء وتحتضن عزت ودموع الفرع تروي وجنتيهما

(٣٦)

أطاحت الفرحة بثبي عزت ومريم وما أن انتهت المكالمة مع عمه
خلة حتى تعانقا عنقا كبيرا وراحوا يتقاتلان من فرط السعادة كالأطفال
لقد أزاح عمه خلة الحجر الذي كاد أن يكتن أنفاسه

فللفرحة أمواج عاتية متلاطمة تجتاح صدره وتقلع قلبه عاصفة به
بين أضلعه وعرف كيف أن السعادة ممکن أن توقف القلب

أخيرا سيخرج الرجل الشهم الذي ضحى بحياته ولم يفكر في نفسه
ولو لثانية من أحب إنقاذه وإنقاده أسرته وإنقاد شرفه من أن تطأه
الكلاب عن حبه لنفسه وضحى خلة بأرضه والأرض عرض لمن
دافع وصان عرضه... كم أنت جميلة أيتها السعادة لقد استطاعوا أن
يردوا شيئا من الجميل للفارس الشهم

اتصل عزت بالضابط لترتيب السداد والإفراج عن كمال وقص عليه
ما حدث والضابط يسمع في سعادة فما رأه من أفعال كمال مع
الموجودين وسداده لهما غرامتهما واشترى لهما الحرية يطابق ما
روى عن شهامته كان داخل الضابط إحساس قوى يقترب لليقين أن
الله لن يضيع هذا الرجل وسوف يحرره الله فأتى الرد لعزت من
الضابط جعله يزداد سعادة فقال الضابط في ثبات

- كان عندي يقين أن الله لن يتركه.. أن شاء الله تيجوا يوم الثلاثاء
هتلاقوا كلهم تمام

قبل أن تشرق الشمس وتطل بوجوها الدافئ على الطريق كان عزت ومريم قبلها على الطريق في رحلة إنقاذ كمال تداعبها نسمات الصباح الريبيعة المشبعة بعطر الورود ويسري في بدانهما انتعاشهما بضياء الصباح وكأنها لمسات سحرية وكانت السعاده تكاد أن تقفز من عينيه وهو يحاور زوجته فالليوم سيقدم ردا ماديا للفارس الشهم ولن يكتفي بالرد المعنوي

سيكون السبب في حريرته كما كان هو السبب في حياتهم ورفع رأسه كان يعرف أن الفرق كبير بين ما قدمه كمال وما يقدمه هو الآن ولكنه استطاع أن يعبر ماديا وليس معنويا فقط وقال له كما أعطيتنا قبلة الحياة نعطيك الحرية.

(٣٨)

أمام مبني السجن كان موعد لقائهم بخلة ورقصت القلوب بقدوم
خلة يحمل حقيبة الفلوس وتعانقت الأنفس قبل الأبدان من فرط
النشوة بالفرح وقبلًا يدي ورأس خلة حبا وفرحا واندفعوا إلى
الداخل قاصدين مكتب الضابط ذو القلب الطيب واستقبلهم بابتسامة
جميلة كقبه الجميل المحب للخير

الضابط : أهلاً بالناس الطيبة

عزت : السلام عليكم حضرة الضابط

الضابط : أهلاً أستاذ عزت فاعل الخير.. أنا شايف الوجوه بتضحك..
وأنا جهزت كل حاجة

خلة : احنا متشكريين يا باشا.. ربنا يكرمك إن شاء الله

الضابط : الموظف في انتظارك جوه.. وعلى ما تشرب الشاي كل
شيء يبقى تمام.. اجلسوا.. افضللي يا مدام.. حضرتك بقى مدام
مريم اللي أنقذها كمال

مريم : (باسمة) ده بقى أخويها كمال..

لم يكن الضابط يعرف أن عزت مسيحي فالقصة كانت تروى له دون
ذكر أسماء وكل ما يعرفه أن فاعل الخير هو دكتور عزت فسأل عن
والد مريم للتعرف

الضابط : وال الحاج

خلة : أنا اسمى خلة بطرس.. والد مريم

الضابط : (في دهشة) مسيحي وجای تدفع مليون جنية دين
لمسلم؟!.. الله أكبر.. المواقف دى لا توجد إلا في مصر فقط
خلة : وتفتكر إن الشرف تمنه مليون جنية يا ولدي؟
الضابط : لا .. لا .. الشرف لا يباع ولا يشتري.. ولا فلوس الدنيا
خلة : (ضاحكا) شوف بقى إحنا ماعملناش حاجة إزاي قصاد اللي
عمله كمال.. ولسه برضه إحنا مديونين
الضابط : كمال دلوقتى عنده زوجته وصديقه زيارة.. جوة في صالة
الزيارة.. سبحان من رتب الأحداث.. تحبوا تروحوا له جوه؟
عزت : لا لا.. خليها لما الاجراءات تخلص .. وحضرتك تنادية
ونخرج كلنا
الضابط : الأمين راح يجيب قرار الإفراج من النيابة في المبني
المقابل مسافة الشاى يا عم خلة

(٣٩)

ارتقت أم أحمد في أحضان زوجها وراحت تبكي في حرقة فهذا أول لقاء بينهما بعد حبسه وتعانق أيضا هو وصديقه رمزي ودمعت عينا رمزي حزنا على منظر صديق عمره

وتعجبت كريمة من هدوء زوجها وابتسامته المشبعة بالإيمان. وروى لها ما حدث في محبسه بينه وبين أصدقائه وقصة فاعل خير الذي وضعه له بمبلغ عشرين ألف جنية وكيف تبرع بهذا المبلغ ليتم الإفراج عن اثنين من الغرماء وأصبح محل احترام الجميع

نظر كمال حوله وبعد مرور وقت كبير من اللقاء وجد أن العساكر يطلبون من الزائرين الانصراف إلا هو.. أحس كمال أنه قد يكون العساكر محروجون منه لذلك لم يطروا منه الانصراف فأراد أن يبدأ هو ولا يخرج العساكر

كمال : يا أم أحمد بقالك أكثر من تلات ساعات .. يلا بقى عشان أمحمد عند خالتة

رمزي : يا عم هدي نفسك .. ما ورناش حاجة .. بس غريبية يا كمال الكل بيمشي والعساكر بتطلب منهم المشى إلا إحنا .. إيه الحكاية؟ انت بقى مركز قوى هنا ولا إيه؟

كمال : (ضاحكا) فاعل الخير اللي حكيت لكم عليه .. الكل هنا بيعاملنى باحترام شديد بعد ما خرجت مسجونيin بفلوس فاعل الخير

رمزي : انت يا كمال غريب.. كنت ممكن تخلي الفلوس دي لك..
تصرف منها في السجن دي جايه لك انت باسمك.. ربنا بعثهالك..
وأنت أصلاً غارم.. يعني مرفوع عنك التبرع يا عم (الكل يضحك)
كمال : لا لا.. أنا بعامل ربنا مش بعامل حد تاني.. وهو كريم.. زي
ما أنا خرجت ناس ربنا قادر يخرجنى إن أراد.. وأكابر دليل خلاني
اتبرعت.. هو أنا أصلاً معايا فلوس للتبرع؟ ربك بعت حد ليَا أنا
مخصوص يسأل علي.. ويسبيب فلوس.. شفت يا رمزي؟ أنا سايبيها
للله.. وبقوله يا رب هاتها جميل

رمزي : يا رب

كمال: عارف يعني إيه؟ هتها جميل

رمزي : لا.. بس أنا باسمعها كتير

كمال : يعني يارب خليها بجميلة منك.. أنا ما استاهلش.

رمزي : دا انت عامل جميل كتير يا كمال

كمال : يبقى ربنا هايسبني.. لا.

أم أحمد : انت إيمانك بالله كبير يا كمال.. وإن شاء الله خير

وجد كمال عسكري يتوجه نحوهم فتمتن

كمال : مش قلت لكم الناس مكسوفة مننا.. لكن إحنا كده زودناها

العسكري جاي يقول لنا كفايه؟ يلا قوموا طريق السلامة

العسكري : حضرة الضابط عايزك في المكتب..

كمال : حاضر

وينظر لرمزي ولزوجته : يلا تعالوا معايا في سكتي.

ويسيروا خلف العسكري وتناسب كريمة يد زوجها فيبتسم ويقول لها :

مش كده.. إحنا في السجن مش على الكورنيش

(٤٠)

وَجَدْ كَمَالُ الضَّابطِ وَاقِفًا أَمَامَ مَكْتَبِهِ الْمُوْجُودِ بِالطَّرْقَةِ الْمُؤْدِيَةِ لِخَارِجِ
الْمَبْنَى فَمَا لَمْ عَلَى زَوْجِهِ وَرْمَزِيَّ لِيُوْدِعُهُمَا وَيُذْهَبُ إِلَى الضَّابطِ وَلَكِنَّهُ
رَأَى الضَّابطَ يُشَيرُ إِلَيْهِمْ جَمِيعًا أَنْ يَأْتُوا إِلَيْهِ فَذَهَبُوا إِلَى الضَّابطِ لِيُتَبَيَّنَ
الْأَمْرُ

كمال : تحت أمرك يا باشا..

بَادَرَهُ الضَّابطُ بِابْتِسَامَةٍ جَمِيلَةٍ تَنَمَّ عن سُعَادَةٍ حَقِيقَةٍ وَلَيْسَتْ ابْتِسَامَةً
الْمُجَامِلَةِ

الضابط : تعالوا كلّكم .. فيه ناس هنا مستنيا
ثم بصوت عالي للعسكري الواقف أمام باب مكتبه : روح شوف
الأمين جه من النيابة والا لا

دخلوا إلى داخل الغرفة وتسمرت قدماء من هول المفاجأة.. العم خلة
وابنته الدكتورة مريم ودكتور عزت زوجها بالداخل.. من أدرافهم بما
حدث؟ إن زوجته وكذلك عزت ليس لديهم أرقامهم وجاءت أصواتهم
متداخلة وعلية وسعيدة

- أهلاً كمال .. أهلاً كمال
كمال : معقوله؟.. انتم عرفتم إزاي؟
عزت : اللي يسأل مايتوهش يا أبو أحمد.. ده كلام برضه؟

خلة : كيف تخبى يا ولد؟.. حد يخبى على أبوه برضه؟
مريم : حد يخبى على أخته؟.. أخته اللي رفعت راسها بسببه
كمال : هقول إيه؟ بس.. دى حاجة تتقاول

خلة : (في حزم) غلط.. الإخوة لازم يعرفوا كل حاجة.. أمال يبقى إيه
فايده الأخوة؟

عزت : إزيك يا رمزي .. كده برضه؟.. طيب اتصل انت
أم أحمد : كده أنا عرفتكم.. انتوا بتوع اسكندرية
(محذثة مريم) وانتي أم يوسف

تدفع مريم إلى كريمة وتعانقان في قبات حارة

مريم : أختك أم يوسف

الضابط : انت مستغرب عرفوا إزاي؟.. طيب يا سيدى خد المفاجأة
دى.. دكتور عزت يبقى فاعل الخير بتابع العشرين ألف جنية
كمال : ياه.. معقول.. مفاجأه... دا انا قعدت أقلب في كل التجار اللي
بنشتغل سوا

عزت : فكرت في الكل إلا أنا

كمال : أنا مش عارف أقول إيه؟.. على العموم في اثنين خرجوا
بسبيك يا عزت وربنا يجعل دعواتهم في ميزان حساناتك.. وعشرين
ألف شكر يا دكتور عزت

الجميع يضحك.. وكمال وزوجته رمزي يجاملونهم بالضحك لأن
الحزن يمكن في القلوب على المسجون

الضابط ضاحكا : لا يا كمال ما ينفعش.. عشرين ألف شكر.. ما
ينفعش خلاص

يقف الضابط ويشير بأصبعه إلى العم خلة ويقول في صوت عالي
يملاه السعادة

الضابط : انت لازم تشكر عمك خلة مليون شكر
كمال : (صارخا) معقوله... قصد حضرتك؟..

الضابط : آه.. هو ده قصدى.. دفع لك المليون جنية.. واحنا في
انتظار قرار الإفراج من النيابة

يهتف رمزي بصوت غارق في الدمع

- الله أكبر.. الله أكبر

تصرخ أم أحمد من السعادة وتسقط على الأرض مغشيا عليها محدثا
صوت ارتظام قوي فتهرع إليها مريم ويأتي الضابط بالماء لإنقاذهما

الضابط : اللي بيحصل ده ولا شغل السيماء..

كمال : معقوله يا عم خلة؟.. المبلغ كبير.. كبير جدا
عزت : ده أقل رد لك ولشهامتك

كمال : ده كتير قوي.. ده دين في رقبتي.. إن شاء الله بالكتير سنة
وأرد المبلغ .. لكن اللي عملتوه عمرى ما أعرف أرده
خلة : شوف يا كمال.. اسمع زين.. أنا شيلت شنطة فيها شوية ورق
وقدمتها مافيش مغامرة.. وانت شيلت روحك على يدك وخلصت بنتي
من اللي خطفوها.. كده يبقى مين اللي ضحى؟... تفتكر لو شرفي
انتهش من الكلاب دول.. كان هيرجع بالمليون جنية؟... والله يا ولد
ولا ملايين الدنيا يرجعوا شرف بنت.. وكيف وإحنا صعايدة وخلقنا
ضيق.. يا ولدى.. أنا باديك المليون وأنا لسه مدييون ليك.. هي مش
متساوية معها في القيمة... وآخر كلام انت ولدي... والله ما يلزمني
من الفلوس دى جنية

أم أحمد : الحمد لله..

كمال : برضة كتير.. ولازم أرد المبلغ عشان أعيش مستريح
خلة : وهو طارق الله يرحمه رد لك المبلغ؟.. أو انت طلبه.. شوف
على العموم الموضوع انتهى..

يدخل أمين الشرطة مندفعا وفي يده ورقة وبعد أن يؤدي التحية
للضابط

أمين الشرطة : تمام يا افندي.. اتفضل قرار الإفراج
الضابط : يلا يا جماعة من غير مطرود.. يلا يا كمال مع السلامه

يدخل كمال في بكاء هستيري وكذلك الجميع وينتاب مريم بكاء
مخلوط بابتسامة.. ويسلام كمال لله شكرا

مريم : كفاية بكا.. عايزين نفرح.. إحنا في فرح دلوقتي
خلة : إحنا كده.. فرحة بالدموع . يلا يا كمال.. إحنا هنتعشى حداك..
بس في البيت.. أنا ما احبش المطاعم
أم أحمد : تدوروا يا عمي

خلة : واشوف كمال الصغير.. وأقول له المبلغ ده ليك.. عشان كمال
يبقى مستريح

الجميع يضحك وتتعالى الضحكات والعناق وكمال ينظر وعقله يقلب
ما يحدث هل يحلم أنه لم يجرؤ على أن يحلم بهذا المستحيل ولا
يستطيع أن يفكر في أن يحدث ما يحدث الان فهو أكبر من خياله

عائقته زوجته وقالت له مبروك فقال لها ألم أقل لك إن الله كريم ولن
يتركنا حقا إن الخير لا يضيع بين العباد فما بالك مع الله الذي يعطي
بلا حساب

خرج الجميع والضحايا تتعالى و كلمات المباركة تأتي من كل من
يراهم من عساكر ومساجين والرد السائد الحمد لله

تمت